

დემოკრატიული საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

შ ი ნ ა ა რ ს ი :

მეთაური—ბოლშევიკური ბოლო.
 ბ. არმიე—საბჭოთა კავშირის კონსტიტუცია.
 ილ. ნუგუზიძე—კართაგენი უნდა დაინგრეს.
 ალ. ასათიანი—წერილები იტალიაზე.
 Stanislaw Ziemiak—რა მოაქვს დღევანდ.

დ. შ. პოლონური პრესა.
 ნ. ი. მსოფლიო ბოლშევიზმი.
 ნაური—წერილი ამერიკიდან.
 კავკასიის დელეგაცია კრაკოვში.
 დ. ხ.—სიკო ალიმბარაშვილი. და სხვ.

ბ ო ლ შ ე ვ ი კ უ რ ი ბ ო ლ ო .

ერთი თვეა, რაც ლუბიანკას ეზოში «ბოლშევიკურად» დახვრიტეს თვით ბოლშევიზმის პირველი გმირები ზინოვიევი, კამენევი და 14 სხვა, და ჯერ კიდევ ვერ მიუგნიათ უცხოეთში ამ მკვლელობის მიზეზისთვის. ერთი ასახელებს ახლად მოზღვავებულ ტალღას ტერორიზმისა ზევიდან, შიში და ზარი რომ ჩაუნერგონ დიქტატურის მტრებს, განსაკუთრებით მოსწავლე ახალხასდობას, რომელშიც თავს იჩენს ტერორისტული მიდრეკილება; მეორე—სამზადისს ახალი კონსტიტუციის მიღების წინ, რათა სტალინს, «ტახტზე ასვლის დროს», ლენინის უახლოესნი თანამშრომელნი არ აყუდონ სინიდიის მხილებელ აჩრდილად; მესამე კიდევ იმას ამბობს, რომ ამ აქტით სტალინს სურდა, სავარეო გართულების გამო, ერთხელ და სამუდამოდ მოეღო ბოლო იმ ხმებისთვის, ვითომ ის განაგრძობს დამრღვევ მუშაობას «მოკავშირე და მეგობარ ქვეყნებში».

რომელია ამ მიზეზებში სწორი ან მრუდე? შეიძლება სხვა მიზეზებიც იყოს, მაგრამ თავი და თავი ისაა, რომ საბჭოთა სამფლობელო დღესაც, ისე როგორც 19 წლის წინ, ერთგვარ სფინქს წარმოადგენს უცხოეთისთვის, და განა მართლაც ეს ფაქტი იმის მაჩვენებელი არაა, რამდენად უკანაა გადატყორცნილი ხმელეთის მეექვსედი თანამედროვე დაწინაურებულ ცხოვრებიდან? თუ ერთ დროს ჩინეთის მაღალ კედლებზე ლაპარაკობდენ, ესლა მხოლოდ საბჭოთა კავშირი ვახდა ასეთ დახურულ ქვეყნად, სა-

იდანაც ერთ სწორ ამბავს ვერ გამოაპარებთ და ვერც იქით შეაპარებთ. ამავე დროს გამუდმებით გეხმით ბაქიობა უმაღლეს მიღწევებზე ყოველ დარგში, ყოველ სფეროში! განა, მართლა რომ ასე იყოს, თვით დიქტატურისთვის არ იქნებოდა უკეთესი, სხვებსაც ენახათ თავის თვალთ ეს სასწაულებანი? მაგრამ მას ეშინია, არ იკარებს უცხოელ მოწმეს და მით ამტკიცებს, თუ რამდენად მახინჯია და საზარელი მისი სახე და საქმიანობა.

მით უარესი უცხოეთისთვის!—გიტყუდით ჩვენ. რამდენი ანრი ბარბიუსები და ანდრე ჟიდები არ მოგვევლინა ამ ათეულ წლებში, ვინც მედიდურად ამტკიცებდა, საბჭოთა კავშირი სამაგალითო ბაღნარია დაბერებულ ევროპასთან შედარებით, ნამდვილი მიწიერი სამოთხეა! დარბაისელი სახელმწიფო მოღვაწეებიც ერთმანეთს ეჯიბრებოდენ საბჭოთა მთავრობის ცნობაში, მის წარმომადგენელთა რაც შეიძლება უკეთ მიღებაში, მათთან ხელშეკრულებათა დადებაში. მსხვილი მრეწველებიც და ბანკები თავის ცდას არ აკლებდენ, რათა მარდალ ჩაეტარებინათ მოსკოვიტებს გამანადგურებელი ხუთწლიეები და შეიარაღების ისეთ ხარისხამდის მიეღწიათ, რომ ესლა თვითონ ისინი, ვინც ამას ხელს უწყობდა, კვირვობენ და ეშინიათ, ვაი თუ ეს იარაღი ჩვენს წინამდევ მონატრიალონო.

როცა გესმით ნიურნბერგის ნაზისტურ ყრილობიდან გაფრთხილება საბჭოთა უაღრეს შეიარაღე-



ბაზე, კვირობთ, რომ იფიწყებენ გერმანიის მთავარ როლს ამ საქმეში. განა გერმანიის მანქანები და სპეცები არ იყვნენ, ვინც «გიგანტები» აუშენა მოსკოვს?

მაგრამ ყველამ კარგად იცის, რომ ეს გაფრთხილება ერთგვარი ხერხია დასავლეთში შთაბეჭდილების მოსახდენად. გახსოვთ, ლოკარნოს ხელშეკრულების ცალმხრივი გაუქმება, რენანიის დაკავება და ბოლოს სამხედრო ბეგარის ორი წლით გაგრძელება პიტლერმა იმით ახსნა, რომ საბჭოთა სამხედრო ძალის ვეება გაზრდა და რუსეთ საფრანგეთის პაქტი გერმანიისთვის დიდ საშიშროებას წარმოადგენს. რა თქმა უნდა, სულ წინააღმდეგია მართალი! თუ შიშზე მიდგა საქმე, მოსკოვი ვერავის დაუთმობს ამაში უპირატესობას. ვორთშილოვის სიტყვები ბელორუსიის ალუმებზედ ცხადჰყოფს, რა შიშის ქრუანტელი უგლის ტანში კრემლის ვაჟბატონებს: ვინც გაბედავს ჩვენზე გამოლაშქრებას—იმეორებს წითელი მარშალი—, მესხვით თავს დავატყდებით. როცა სარდალი ყოყმობს, ეს მოასწავებს მხოლოდ მის სისუსტეს.

ძლიერს არ სჩვევია ეს. შეხეთ პიტლერის გერმანიას, ეხლა მხოლოდ მის ძლიერებაზე ლაპარაკობენ ევროპის ყველა სატახტო ქალაქებში, კილოც შესცვალეს მის მიმართ, მოკრძალებით ედავებიან. ვის ახსოვს ვერსალის ზავი, გერმანიის სამუდამო განიარაღების მუხლები! პუანკარე და კლემანსო უეცრად რომ აღსდგნენ, სრულიად ვერ იცნობდნენ მათ მიერ გადამიღწულ ევროპას; თვით ლოიდ ჯორჯიც, მათი პარტნიორი და ვილსონის ზავის გამბათილებელი, გერმანიის «ტურისტობს», რათა ხვალინდელ ევროპის ბედისწერა გამოიკვლიოს. გერმანიას დღეს არც კი ეჭვირება ომი ზოგიერთ ისეთ საქმის მოსაგვარებლად, რომელიც კიდევ გუშინ მრისხანე ვეტოს და მობილიზაციას გამოიწვევდა «გამარჯვებულთა» მხრით». გაიხსენეთ ავსტრიის კანცლერ შუშნიგის ფიურერთან ხლება და მორჩილების პირობაზე ხელის მოწერა.

მაშასადამე, ნიურნბერგის ჩივილი წითელ ჯარების საშიშროებაზე ნამდვილად გერმანიის უძლიერეს სახელმწიფოდ მოვლინების ისტორიულ თარიღს აღნიშნავს. ურალი, ციმბირი, უკრაინა ჩვენს ხელში რომ იყოს—გაისმა ამ ქალაქიდან,—გიჩვენებდით, თუ რა სასწაულებს მოვხდენდით! უფრო აშკარად არ შეიძლება გამოთქმა, საითყენა გერმანელ ერის დინამიზმი მიმართული. ბოლშევიზმი—აი რაა ევროპის მამაკვდინებელი მტერი! და ჩვენი უდიდესი მოწოდება მის პირქვე დამხობაში მდგომარეობს—გაისმა იქიდანვე.

ეხლა შეადარეთ ამ ლოზუნგებს, რაც ხდება ისპანიში, სამოქალაქო ომს, რომლის ფორმალური დამწყები გენერალი ფრანკია, მაგრამ ვინ არ იცის, რომ ფაქტიურად ის გამოიწვიეს სტალინის აგენტებმა, რომელნიც არაფერს ერიდებოდნენ დემოკრატიულ რესპუბლიკის დასასამარებლად.

და ეს მთლად აშკარად გამოჩნდა კომუნისტების «აბრუნდით» საფრანგეთში. ისინი უკვე მტრობენ აქ ხალხსნურ ფრანტს, წარმოსროლეს ფრანგთა სამღვთო კავშირი, რატომ? იმიტომ, რომ გამოიწვიონ ომი საფრანგეთსა და გერმანიას შორის და მით თავიდან ააცილონ «ერთად ერთ სოციალისტურ სამშობლოს» უკანასკნელის რისხვა. სტალინი მოდის «ვა-ბანკზე». ვინაიდან ლიტვინოვის დამხლვევი პაქტები არა სურის, მისთვის უკვე არაა საინტერესო საფრანგეთის სამხედრო ძლიერება. პირიქით, წითელმა დიქტატორმა კარგად იცის, რომ ომი დასავლეთში არა თუ გადაარჩენს მის სამფლობლოს წითელ მამალს, იცის, პარიზი ამის ჩვეულია, და თუ გაიხსენებთ სტალინის ნაცვალის ტორუნის გავლენას აქაურ მუშებზე, ეს არც ისე ცალიერ დამუქრებაა.

სდგება გადამწყვეტი წუთი დაპირდაპირებისა ბერლინსა და მოსკოვს შორის და ევროპას თითქო სხვა გზა არ დარჩენია, გარდა ერთი მათგანის არჩევისა. საფრანგეთმა თითქო მოსკოვი აირჩია, მაგრამ გახსოვთ ლავალის რეზერვები, რომელიც კარს ღიად სტოვებდა გერმანიისთვის. ბლუმის მთავრობამ ერთი ნაბიჯიც წადგა წინ ლონდონის წინადადების მიღებით: ლოკარნოელ ხუთ სახელმწიფოს უპირობოთ მოწვევა, რახედაც ბერლინმა და რომმა თანხმობით უპასუხეს. მეორეს მხრით, იგივე ბლუმის მთავრობა თაოსნობს ისპანიის საქმეებში ჩაურევლობას და ამაზეც დასტურს იღებს. მაშასადამე, ისევე წესრიგშია დასავლეთის დაზავების კითხვა, უწინარეს ყოვლისა.

მაგრამ უკანასკნელად ამას დაემატა ორი დიდი ფაქტი. პირველი, მთავარ სარდალთა გამეღენ და რიდნლ-სმიგლას დარბაზობა და ზენიმი პოლონეთსა და საფრანგეთში. განახლდა ამ ორ ერთა სამხედრო კავშირი, რაიცა არაფრით არ სცვლის ვარშავა ბერლინის მეგობრულ დამოკიდებულებას. რას ნიშნავს ეს, თუ არა იმას, რომ პარიზი ვარშავის გზით აპირებს ბერლინთან მორიგებას? სიმბოლიურია ამ მხრით საფრანგეთის სავაქრო მინისტრის ბასტიდის ჯერ ვარშავაში ჩასვლა და შემდეგ ბერლინში. განა

არ გავიწყდებთ ჩვენებური ანდაზა: ყური სად ვაბიაო?!

მეორე ფაქტი, ჩვენთვის განსაკუთრებით საყურადღებო, არის ინგლისის მეფე ედუარდ მერვის სტამბოლში ჩასვლა და პრეზიდენტ ათა თურქთან დარბაზობა. ახალგაზდა მეფე თითქო ლამობს მის პაპის ედუარდ მეშვიდის დიპლომატიური მუშაობის განგრძობას. სრუტეების ახალი კონვენციით საფუძველი ჩაეყარა, როგორც წინა ნომერში ვსთქვით, ინგლის ოსმალეთის დამეგობრებას. ამიტომ ნაადრევი იყო მოსკოვის სიხარული, მაგრამ დღეს ის ნამდვილ გლოვად იქცა. სუმრობა როდია, ერთად ერთი მეგობარი და მოკავშირე ხელიდან ეცლება!

ამდენია ნიშნები, სიპტომები, რომელიც, მართალია, ჯერ კიდევ არ იძლევა მთელი ამ პროცესის უბოროტივად ჩატარების გარანტიას, მაგრამ მოსკოვს უკვე რეტი ესხმის, გაშმაგებულია. ნუ დაივიწყებთ, მას შორეულ აღმოსავლეთიდანაც მოელის საფრთხე; საგულისხმეოა ერთ ინგლისურ გაზეთში მოთავსებული ცნობა: იაპონია საცაა დაასრულებს სტრატეგიულ გზების და ანგარების აშენებას...

ასეთ პირობებში სულაც არაა გასაკვირი, სტალინის ბრძანებით, ლენინის უახლოეს თანამშრომელთა დახვრეტა, რამაც კიდევ უფრო გააძლიერა დასავლეთის ზიზღი აღმოსავლეთის დიქტატურისად-

მი. სტალინმა დაარღვია «დიდი მასწავლებლის»

მთავარი მცნება: არ დადვაროთ ერთმანეთის სისხლი! მაგრამ, ლენინი რომ ცოცხალი იყოს, განათვით მას დაინდობდა «გენიალური მოსწავლე»? განა არ აგზავნიებს მის ქვრივს წყევლა-კრულვას დასჯილებისთვის?

არიან მწერლები, ვინც ადარებენ მოსკოვის ამბებს დანტონისა და ებერტისტების ეზაფოტზე ასელას, და დასძენენ სტალინსაც რობესპიერის ხვედრი მოელისო. ანალოგია სწორია, იმ ერთი განსხვავებით, რომ ბოლშევიკური ტერორი, დაწყებული ეკატერინობურგის ტრადედიიდან, გაცილებით უფრო მხდალია, ლაჩარი, ვერაგი.

და ეს კი მოასწავებს მტარვალთა ცნოველურ შიშს ხალხის რისხვის წინაშე. თუ უცხოელებმა არ იციან, ჩვენ ხომ ვიცით, რომ თვით საბჭოთა კავშირში მხადდება და მწიფდება ერთა სტიქიური გამოსვლები.

ჩვენ არ ვიცით, საიდან დასუქეს პირველად, გარედან თუ შიგნიდან, მაგრამ ერთს მეხს რომ მეორე მოჰყვება, ეს უკვე არ არის არავისთვის საეჭო. ეს იცის ზედმიწევნით სტალინმა, ამიტომ დაჰკარგა მან წონათსწორობა, ყოველ ნაბიჯზე მკვლელი ელანდება, როგორც ოდესმე ბორის გოდუნოვს... ცხადია, ის გაათავებს «რუსულად—ბოლშევიკურად», რაიცა იმავე რობესპიერის ხვედრია ბოლოს და ბოლოს.

ს ა ბ ზ ო ტ ა კ ა ვ შ ი რ ი ს კ ო ნ ს ტ ი ტ უ ც ი ა

მიმდინარე წლის ივნისში საბჭოთა კავშირის ხელისუფლებამ გამოაქვეყნა ახალი კონსტიტუციის პროექტი. თუ კომუნისტურ პრესას დავუჯერებთ, მთელ მსოფლიოში ამ კონსტიტუციის შესადარი არაფერი მოიპოვება. ამის დასამტკიცებლად კომუნისტური გაზეთები ბეჭდავენ ურიცხვს რეზოლიუციებს, რომლებშიაც გამოთქმულია ქვეყნის მეექვსედი ნაწილის მოსახლეობის აღტაცება და უსაზღვრო სიხარული: მუშა და გლეხი, კომუნისტი და «უპარტიო ბოლშევიკი», მეცნიერი და უბრალო მოხელე, ქალი და კაცი, დიდი და პატარა—ყველანი სიხარულით ცას წვდებიან და ფიანდაზად ეგებებიან «გენიოსს» სტალინს, მთელ მსოფლიოს «ჩაგრულთა წინამძღოლს».

კონსტიტუციის პროექტს გამოეხმაურა უცხოეთის პრესაც. არ შეიძლება ითქვას, რომ მას აქკარგი პრესა ჰქონოდა: იგი შეაქეს მხოლოდ კომუნისტურმა გაზეთებმა, ხლო პრესის გავლენიანმა ნაწილმა და განსაკუთრებით სოციალისტურმა გაზეთებმა დიდი იწვის ქვეშ დააყენეს ამ პროექტის დემოკრატიულობა. მიუხედავად ამისა, ერთ ნაწილს

ეგ პროექტი მაინც მიაჩნია დემოკრატიისაკენ გადადგმულ თვალსაჩინო ნაბიჯად და მისგან რალაც სიკეთეს გამოელის. ასეთი ილიუზია სრულიად უსაფუძვლოა.

ჩვენ კარგად ვიცნობთ სტალინის დიქტატურის ხასიათს და ვერ დავიჯერებთ, რომ ამ დიქტატურას შეეძლოს ევოლუციონური გზით დემოკრატიულ რეჟიმად გარდაქმნა. კომუნისტურ დიქტატურისთვის კონსტიტუცია მხოლოდ ქვეყნის მოსატყვიღებელი ნიღაბია და არა ის ძირითადი კანონი, რომლის დანიშნულებას უნდა შეადგენდეს ქვეყნის ყოფა-ცხოვრების მოწესრიგება და მისი ნორმალურ კალაპოტში ჩაყენება. კომუნისტურ ხელისუფლებას კი აინტერესებს თავისი მდგომარეობის განმტკიცება, თავისი ბატონობის გამაგრება და მის მიერ შეთხზული ახალი კონსტიტუციის პროექტიც არსებითად მხოლოდ ამ მიზანს ემსახურება. იმავე დროს ეგ პროექტი საუცხოო ნიმუშია საყოველთაოდ ცნობილ ბოლშევიკური თაღლითობის. მის პოლიტიკურ ნაწილში ჩამოთვლილია ყველა სახის თავისუფლებები: სარწმუნოების,



სიტყვის, ბეჭდვის, კრებებისა და მიტინგების; ხელშეუხებელია მოქალაქის პიროვნება და მისი ბინა, დაცულია მიწურ-მოწერის საიდუმლოება; გამოცხადებულია ყოველი მოქალაქის თანასწორუფლებიანობა მიუხედავად ეროვნებისა და რასისა; შემოღებულია საყოველთაო, თანასწორი, პირდაპირი და ფარული არჩევნები, დაშვებულია პროფესიონალები კავშირების და სხვადასხვა მიზნის საზოგადოებების დაარსება და სხვა. ყოველივე ეს უაღრესად დემოკრატიულ კონსტიტუციის აუცილებელი ელემენტებია, მაგრამ კომუნისტური კონსტიტუციის პროექტი მასში ჩამოთვლილ ყველა ამ თავისუფლებებს ერთი კალმის მოსმით აბათილებს: ნებადართულია მხოლოდ ერთად ერთი კომუნისტური პარტიის არსებობა; ხელისუფლების ადგილობრივ და ცენტრალურ ორგანოებში ასარჩევ კანდიდატების დასახელების უფლება ეძლევა მხოლოდ კომუნისტურ პარტიას და იმ ორგანიზაციებს, რომელნიც კომუნისტურ პარტიის კანტროლის ქვეშ იმყოფებიან. გავისწავლოთ აქვე გახ. «პრავდა»-ს განმარტება, რომ «ბურჟუაზიულ და მენშევიკურ-ესერული მწერლობა სამუდამოდ აღმოფხვრილია ჩვენში თავისუფლება მყარდება არა ბურჟუაზიის გადართხნილ აგენტებისათვის. ვინც ფიქრობს შეარყიოს სოციალისტური წყობილება,—ის ხალხის მტერია. ის ვერ მიიღებს ერთ ნაგლეჯ ქალაქს. ვერ შევა ვერც ერთ სტამბაში, ვერ მიიღებს ვერც ოთახს, ვერც ერთ კუთხეს, რომ ზეპირად მაინც გავაცრელოს თავისი საწამლავი», თუ ყოველსავე ამას ვიქონიებთ მხედველობაში, ცხადი იქნება, თუ რა უსიროცხილო დაცინვას წარმოადგენს პროექტში ჩამოთვლილ თავისუფლებათა ხარტია.

მაშასადამე თავისუფლებები წესდება მხოლოდ კომუნისტურ პარტიისათვის; მაგრამ ვინც იცნობს ამ პარტიის წყობას და შიგ გამეფებულ წესებს, უდაოდ დაგვეთანხმება, რომ იგი, — ე. ი. კომუნისტური პარტია, — მოწერი ამსრულებელია ზევითან წარმოგზავნილ ყოველი ბრძანების. პარტიის სადავე ხელში უკავია ყოველად შემძლე სტალინს. უკანასკნელი გამოცხადებულია უცოდველ ზეკაცად, გენიოსთა შორის უდიდეს გენიოსად, ბრძენთა შორის პირველ ბრძენად. ის კომუნისტი, რომელიც გაბედავს სახვებით და უკრიტიკოდ არ გაიზიაროს სტალინის მოცემული გენერალური ხაზი, ამ ქვეყნიურ ყოველივე უბედურებას დაიტეხს თავს; მას გამოაცხადებენ კომუნისტის მოღალატედ, კანტორ რვეოლუციონერად, გესტაპოს აგენტად, ტერორისტად და სხვა. ამის უდაოდ საბუთს იძლევა თექვსმეტთა პროცესი კამენევ-ზინოვიევის მეთაურობით. არავისთვის სადავო არ არის, რომ კომუნისტურ პარტიაში არ არსებობს აზრისა და სიტყვის თავისუფლება, არ არსებობს კოლექტიური პარტიული აზრი და შეხედულება; არსებობს მხოლოდ ცეკას გენერალური მდივნის აზრი და ბრძანებები, რომელსაც უსიტყვოდ ასრულებენ ადგილობრივი პარტომების მდივნები. პარტიული მასა ვალდებულია კვერიდაურას გენერალურ მდივნის აზრს და ყოველ სიტყვის მობრუნებაზე ქება-დიდება შეასხას სტალინს

მაშასადამე კონსტიტუციის პროექტში აღიარებული თავისუფლებები უკლებლივ რჩება მას, ვინც კომუნისტურ დიქტატურას ანხორციელებს პიროვნულად.

როგორც ზევით აღვნიშნეთ სადებუტატო კანდიდატებს ყველა საფენურის საბჭოებში და საკანონმდებლო ორგანოებში ასახელებენ კომპარტიის, ან ამ უკანასკნელის კანტროლის ქვეშ მყოფი ორგანიზაციები. აქედან ცხადია, რომ არჩეული იქნებიან უმთავრესად ას პროცენტის სტალინელი კომუნისტები და აქა იქ ის უპარტო ბოლშევიკები, რომელნიც სტალინის გენერალურ ხაზს სახვებით იზიარებენ. კონსტიტუციის პროექტი ამითაც არ გამოიღდება და ამრჩევლებს ანიჭებს დებუტატის გაწვევის უფლებას. ასეთი რამ შეიძლება მიზანშეწონილი და სასარგებლო იყოს იქ, სადაც მართლაც დემოკრატიული რეჟიმი და ამრჩევლები თავისუფლად არიან კანდიდატის დასახელებაში; საბჭოთა კავშირის სინამდვილეში კი ეს ერთი ზედმეტი გარანტია იქნება იმის, რომ არჩეულმა დებუტატმა ოდნავი დამოუკიდებლობაც კი ვერ გამოიჩინოს და ვერ გაბედოს რაიმე ოპოზიცია გაუწიოს დიქტატორს. წინამდებ შემთხვევაში საარჩევნო ოქტის პარტკომები სასტიკ ბრძანებას მიიღებენ ცეკასგან გაწვეულ იქნას არასასურველი დებუტატი და მის ადგილას აირჩიონ ის, ვინც ხელისუფლებას ეპრიანება. გადამჭრელ როლს ამ შემთხვევაშიაც დღევანდელი გენერალური მდივანი ითამაშებს. ზემონათქვამი ნათლად ამტკიცებს, რომ კომუნისტური არჩევნები გულუბრყვილობითა მოსატყვილებელი კომედიია: სინამდვილეში ეგ არჩევნები წარმოადგენს დებუტატების დანიშვნას ხელისუფლების მიერ. თუ რა კანტროლს გაუწევენ ასეთი წესით «არჩეული» დებუტატები ხელისუფლებას, ამას მკითხველიც ადვილად მიხვდება.

ჩვენ ამ წერილში არ შევეხებით იმ ეკონომიურ სისტემას, რომელიც უკვე არსებობს საბჭოთა კავშირში და რომლის დადასტურებას იძლევა კონსტიტუციის ახალი პროექტი, — ამ საკითხს ჩვენი გაზეთი ცალკე წერილს უძღვნის. ვიტყვი მხოლოდ, რომ ეს ეკონომიური სისტემა, რომელსაც პროექტი სოციალისტურ მეურნეობას უწოდებს, არსებითად წარმოადგენს უცუდესი ფორმის სახელმწიფო კაპიტალიზმს. ხელისუფლება ყოველგვარ საშვალდებით ძარცვავს როგორც მუშას და ჯიფს, ისე სხვა სოციალურ მდგომარეობის მოქალაქეებს. ეროვნულ მეურნეობის მიერ შექმნილ დოვლათიდან მას მიაქვს რამდენიც მოეპრიანება, დოვლათის შემქმნელთ კი იმდენს უტოვებს, რომ შიმშილით სული არ ამოხდეს.

ჩვენთვის განსაკუთრებულ ინტერესს წარმოადგენს პროექტის ის ნაწილი, რომელიც შეეხება საბჭოთა კავშირში გამოწყვდელთ ერების უფლებებს. პროექტის მეცამეტე მუხლი გვავუწყებს, რომ «საბჭოთა სოციალისტურ რესპუბლიკების კავშირი არის საკავშირო სახელმწიფო, შემდგარი ნებაყოფლობის საფუძველზე გაერთიანებულ თანასწორ უფლებიან საბჭოთა სოციალისტურ რესპუბლიკები-



კებისაგან...»; ქვევით ჩამოთვლილია თერთმეტი რესპუბლიკა. აქ აღნიშნული «ნებაყოფლობა» არის ყოველივე წრეს გადასული კომუნისტური თაღლითობა. მოუთრადებელი უსიტრცხვილობა. ვინა რიცის, რომ ჩამოთვლილ რესპუბლიკების უმრავლესობა ცეცხლითა და მახვილით არის დაპყრობილი და ძალით შეთრეული საბჭოთა კავშირში? ერთი მათგანის—საქართველოს—სრული დამოუკიდებლობა იურიდიულადაც იყო ცნობილი მოსკოვის მიერ; მაგრამ მან უტიფრად გასთელა ფეხქვეშ თავისი ცნობა, დახია მის მიერ ხელმოწერილი ხელშეკრულება და ომის გამოუცხადებლად შემოესია თავისუფლების მოყვარულ ქვეყანას; დაიპყრო იგი, ჩააყენა შიგთავისი ჯარები, დაუნიშნა მის აგენტებისაგან შემდგარი საოკუპაციო ხელისუფლება, გაძარცვა, გააჩანაგა და საბჭოთა კავშირს შეუერთა. ქართველი ხალხი არ შერიგებია და არც არასოდეს შეურიგდება მის დღევანდელ მონობას. იგი მედგრად ებრძვის საოკუპაციო ხელისუფლებას; უამრავი მსხვერპლი შესწირა განმანათვისებელ ბრძოლას და განაგრძობს მას, სანამ არ აღიდგენს თავის შელახულ ეროვნულ უფლებას, არ დაიბრუნებს დაკარგულ დამოუკიდებლობას. კომუნისტური კონსტიტუციის პროექტი ამას უწოდებს «ნებაყოფლობის საფუძველზე გაერთიანებას».

პროექტის მეჩვიდმეტე მუხლი მოკავშირე რესპუბლიკებს ანიჭებს კავშირიდან თავისუფლად გასვლის უფლებას. რომ ეს უფლება ფიქტია არ იყოს, საბჭოთა კავშირი ძალით შერეკალი არა რუსი ერები თავისუფლად ამოისუნთქავდნენ; მაგრამ უბედურებაც ის არის, რომ პროექტის ავტორები, როგორც ყოველთვის და ყოველგან, აქაც თაღლითობენ. 1924 წელში ქართველი ხალხი, როგორც ერთი კაცი, ფეხზე დადგა და აჯანყება მოაწყო. ამ უკანასკნელის მიზანი იყო ხიშტებით თავზე მოხვეულ კავშირიდან გასვლა და თავის საკუთარ დამოუკიდებელ ფეხზე დადგომა. ამ ცდის შედეგი მთელმა ქვეყანამ იცის: აჯანყება სისხლში ჩაახრჩვეს, საუკეთესო მამულიშვილები ათასობით დახვრიტეს გაუსამართლებლად და განუკითხავად. ამის შემდეგ აბა ვინ დაიჯერებს, რომ კომუნისტური ხელისუფლება რომელიმე ერს ხელს შეუშვებს და კავშირიდან გასვლის ნებას დართავს? *)

პროექტის მიხედვით კავშირში შემავალ ერებს თავისი ადგილობრივი მთავრობები ყავთ და მართ-


ვა-გამგეობის თავისი უმაღლესი ორგანოები აქვთ, მაგრამ ყველა ამით თავზე აწის კავშირის ხელისუფლება. პროექტის მეთოთხმეტე მუხლში ჩამოთვლილია საკავშირო ხელისუფლების პრეროგატივები: საკმარისია ვე მუხლი წერელედ გადაიკითხო, რომ დარწმუნდე თუ რა ზომ შეზღუდულია კავშირში შემავალ რესპუბლიკების და მათი სახალხო კომისარიატების უფლებები. უკანასკნელთ იმის უფლებაც კი აქვთ წართმეული, რომ საკავშირო ხელისუფლების ნებადაურთველად და კვერის დაუკრავად რაიმე გადასახადი დააწესონ ადგილობრივ საჭიროებათა დასაკმაყოფილებლად. ამ რესპუბლიკების სახალხო კომისარები ემორჩილებიან არა მარტო თავის ქვეყნის კომისართა საბჭოს, არამედ აგრეთვე კავშირის სათანადო კომისარს, ე. ი. კავშირში შემავალ რესპუბლიკის სახალხო კომისარს ორი მბრძანებელი ყავს; ამ ორიდან უპირატესობა ეძლევა კავშირის სახალხო კომისარს. აქედან ცხადია, რომ ევ უკანასკნელი არის არაპირდაპირი მბრძანებელი ადგილობრივი სახალხო კომისართა საბჭოსიც; თუ მას არ მოეწონა რომელიმე რესპუბლიკის კომისართა საბჭოს დადგენილება, იგი ამ დადგენილების შემსრულებელ სათანადო კომისარს აუკრძალავს მის სისრულეში მოყვანას.

ყველა რესპუბლიკების სასამართლოები ემორჩილება კავშირის უმაღლეს სასამართლოს; რესპუბლიკებს იმისი უფლებაც კი აქვთ წართმეული, რომ თავისი ქვეყნის პროკურორები თვითონ დანიშნონ. მოკლედ რომ მოვუბრაოთ, საქართველოში დამოუკიდებლობის დროს სამაზრო ერობების გამგეობებს და ყრილობებს გაცილებით უფრო მეტი უფლებები ჰქონდათ, ვინემ საბჭოთა კავშირის ახალი კონსტიტუციის პროექტი აწესებს ცალკე რესპუბლიკების მთავრობებისათვის და საკანონმდებლო ორგანობისათვის.

თვით სახელწოდება «საბჭოთა სოციალისტურ რესპუბლიკების კავშირი» წარმოადგენს დიდ სიყალბეს: კონსტიტუციის პროექტი აუქმებს საბჭოების სისტემას; არც ცალკე რესპუბლიკებს და არც მთლიანად კავშირად წოდებულ სახელმწიფოს სოციალისტური არაფერი სცხია; არ არის არავითარი კავშირი, არამედ არის ერთი უაღრესად ცენტრალისტური სახელმწიფო, რომლის სათავეში სდგას უპასუხისმგებლო დესპოტიური ხელისუფლება; ეს ცენტრალისტური სახელმწიფო დაყოფილია «სანამესტნიკოს» მხვავს პროვინციებად, რომელთაც განაგებენ მთელის სათავეში მდგომ დიდი სატრანს ადგილობრივი ნაცვლები—ფინია სატრაპები.

მოსკოვის ხელისუფლების მიერ ცეცხლითა და მახვილით დაპყრობილ ერებს, ცხადია, ვერავითარ სიკეთეს მოუტანს სტალინის კონსტიტუცია; მათი ხსნა არის მხოლოდ უცხო უღლის თავიდან მოცილებაში, რის შემდეგ თვითეული ერი თვითონ დასწერს თავის საკუთარ კონსტიტუციას.

*) კონსტიტუციის პროექტი თავშესაფარს პირდება სხვათა შორის ეროვნულ-განმანათვისებელ ბრძოლისთვის დეფინილ უცხოელებს; ცხადია იგი სცნობს თვითგამორკვევის უფლებას უცხო ქვეყნების დაპყრობილ ერებისთვის. ამავე დროს კავშირის კონკლავერები საგნა ეროვნულ თვითგამორკვევისათვის მებრძოლ გმირებით, რომელიც ამა თუ იმ ბედნიერ შემთხვევით გადაურჩენ გეპეუს პადვლებში დანგრეტას.



კ ა რ ტ ა ვ ე ნ ი უ ნ დ ა ღ ა ნ ი ნ ზ რ მ ს

ცხოვრება უღმობელია. მას თავის კანონები აქვს. ვინც ამ კანონებს წინააღმდეგება, განწირულია. ბოლშევიზმი ჩვენ თავიდანვე ამ განწირულთა კათეგორიაში მოვამწყვდიეთ. და ჩვენ საესეებით მართალნი ვიყავით. მეორე ათეული წელი სრულდება, რაც ბოლშევიზმი ხელისუფლებას დაეპატრონა. დრო თვალსაჩინოა. ერთი თაობა უკვე გაიზარდა ბოლშევიკურ სინამდვილეში. დღეს ბოლშევიზმს ღრმად უნდა ჰქონდეს ფესვები გადგმული ცხოვრებაში და მისი შემდგომი განვითარება ჩვეულებრივი, ნორმალური გზით უნდა მიმდინარეობდეს. მაგრამ არა. დღეს, ისე როგორც ხელისუფლების დაპატრონებისას, ბოლშევიზმი ცხოვრებასთან სასტიკ ბრძოლაშია. ცხოვრება ბოლშევიზმს ვერ ეგუება, როგორც ცეცხლი წყალს. აქედან ცდა ცხოვრების ძალით მოდრეკისა და ყველა ის საშინელება, რაც ჩვენ ბოლშევიზმა მოგვცა. ბოლშევიზმა გაანადგურა ყველაფერი. იშვა სიცარიელე, სიცალიერე ყოველ მხრივი (პოლიტიკური, მორალური, უფლებრივი, ეკონომიური და სხვა). მაგრამ ცნობილია: ცხოვრება სიცარიელეს ვერ იტანს. მან ძალა მოიკრიფა და შეტევაზე გადავიდა. ბრძოლის ამ სტადიის დამახასიათებელი თვისებაა, რომ ახლა ბოლშევიზმი ვეღარ გამოდის, როგორც მონოლიტური პარტია. ბრძოლა თვით მის წიაღში ივარდდა. თუ დღემდის ბოლშევიზმის მსხვერპლნი იყვენ «კონტრ რევოლუციონური» პარტიები და უპარტო მასები, დღეს თვით ბოლშევიკური პარტია განიცდის დევნას. მას დაატყდა თავს ჩეკის რეპრესიები მთელი ბოლშევიკური სისასტიკით, დაუხოველობით.

ბოლშევიკური პარტიის კრიზისი დიდი ხანია დაიწყო. მისი გამუდმებული წმენდა ამის უტყუარი საბუთია. მაგრამ მოსკოვის პროცესი, ზინოვიევის, კამენევის და სხვების დახვრეტა უფრო მეტს ლაპარაკობს, ვიდრე უბრალო კრიზისის შესახებ.

რაშია საქმე?—ბოლშევიკური ხელისუფლება იგრძნობს, რომ აღსასრული მოახლოვებულია. შინაჯალხის უკმაყოფილება დღითი დღე იზრდება. ნივთიერად გალატაკებული, მორალურად, პოლიტიკურად, უფლებრივად გაფუჭებული, იგი ქუჩაში გამოდის და ყოფნა არ ყოფნის საკითხს ფიზიკურად უსვამს. აღსანიშნავია, რომ ამ ანტიბოლშევიკურ მოძრაობის მეთაურად დღეს ახალი თაობა გამოდის, ესწორედ ის თაობა, რომელიც ბოლშევიკურ სინამდვილეში გაიზარდა, მისი (ბოლშევიზმის) ყოველგვარ პერიპეტეიების აქტიური მონაწილე იყო და, ბუნებრივად, საბოლოოდ მისი ბურჟი უნდა ყოფილიყო.

ნათქვამია, აკრძალული ხილი ტკბილიაო. საბოლოო პერიოდში ხომ ყველაფერი აკრძალულია, რაც ადამიანს ადამიანებს. აქედან დაუნდობელი ბრძოლა ადამიანობისათვის, თვისუფლებისათვის. საკმაოდ ხელისუფლების ოდნავ წაბრძოლება, რომ მას ხალხი უმალ ქეჩოზე წამოასკუბდეს. საგარეო გართულებანი ამ მხრივ ხალხის წისქვილზე და-

ახამდა წყალს. ეს გართულებანიც თანდათან უფრო მწვავე და რეალ ხასიათს იღებს. ამას მოსკოვის ხელისუფლება ნათლად ხედავს. ამიტომ მან ახალი ლოზუნგები გადაისროლა ხალხში. «ინტერნაციონალიზმის» მაგივრად, «საციონალიზმზე, პატრიოტობაზე, სამშობლოზე» დაიწყეს ლაპარაკი, ვიწრო პარტიული ბოლშევიკების გვერდში «უპარტო ბოლშევიკები» გააჩინეს.

ახალი კურსის მიზანი ნათელია: ხალხის გაერთიანება გარეშე საფრთხის წინაშე. მაგრამ, დახეტ უბედურებას, გაერთიანების ნაცვლად, მან სულ არია მონასტერი. პატრიოტიზმზე და სამშობლოს სიყვარულზე ქადაგებამ დაბადა ნაციონალისტური მოძრაობა. გაჩნდა პარტიაში ახალი, ნაციონალისტური ოპოზიცია უფრო ძლიერი და საშიში, ვინც სხვა სახის ოპოზიციებია. ამ ნაციონალისტურ ტალღას თან დაერთო პარტიული ნილიზმი. თუ უპარტო ბოლშევიკი ისეთ მოწონებაშია და პარტი-ვში, როგორც პარტიული, მაშინ პარტიულობას რაღა ფასი და აზრი აქვსო, იფიქრა პარტიულ დისციპლინაში ჩაქედილმა ბოლშევიკმა და პარტიანე გული აიკრუა. ეს ორი გაგრძობა: ერთი მხრით, ნაციონალისტურ ტალღის ავორება და მეორეს მხრით, თვით ბოლშევიკურ პარტიის შიგნიდან რღვევა, ცხადია, დიდ საგონებელში ჩააგდებდა კრემლის ბატონებს. დადებითი, ორგანიული ზომებით საქმის გამოსწორება შეუძლებელი იყო. ამისათვის სათანადო პირობები არ არსებობდა. დარჩა ერთად ერთი, ძველი ნაცადი გზა—ტერორი. ხელისუფლებაშიც მას მიმართა, მიუხედავად საბედისწერო შედეგებისა, რომელიც მას უნდა მოყოლოდა პარტიისა და ხელისუფლებისათვის. მოაწყვეს მოსკოვის პროცესი, დახვრეტის პირველ რიგში ძველი ოპოზიციის მეთაურები: ზინოვიევი, კამენევი და სხვები. რომელთაც ბოლშევიკურ სახელმწიფოს შექმნაში პირველი როლი ითამაშეს.

ლენინი გადაიცვალა, ტომსკიმ თავი მოიკლა, ტროცკი კანონ გარეშე გამოცხადებული, რიკოვი დევნილი. ასე რომ პირველ პოლიტიკურადან მართლად სტალინი დარჩა. ტროცკის აზრით,—ბოლშევიზმი უკვე მოკვდა. ჩვენის ფიქრით კი იგი მკვლად იშვა. მისი ამდენი ხნის ბოგინობა სრული ანომალიაა.

უშედეგოთ ცხოვრებაში არც ერთი მოვლენა არ იკარგება. მოსკოვის პროცესშიც თავის ნაყოფი გამოიღო. შიგნით ავადმყოფური ვითარება კიდევ უფრო დაავადა. გარეთ საბჭოების პრესტიჟს სასიკვდილო ლახვარი ჩასცა იმ წრეებშიც კი, სადაც მას დიდი სიმპატიით უყურებდნენ. სანიმუშოთ მოვიყვანთ ოტო ბაუერის აზრს. ოტო ბაუერმა «Le Populaire»-ში (სოციალისტების ცენტრალური ორგანოა, გამოდის პარიზში) მოსკოვის პროცესის შესახებ მოათავსა დიდი წერილი, სადაც, სხვათა შორის, ამბობს: «ან მისჯილთა აღსარებანი გამოხატავენ სინამდვილეს და მაშინ რა უნდა ვიფიქროთ ლე-



ნინის ამ თანამებრძოლებზე, რუსეთის რევოლუციის ამ შედეგზე და კომუნისტურ ინტერნაციონალზე, რომლებიც უწყყმანოდ გახდნენ უცხო პოლიციის აგენტები და ვულგარული კრიმინალები? ისინი იყვნენ ამ შემთხვევაში მართლმართლი, რომელნიც ოცი წელია, რაც მათ თვლიდნენ უბრალო კრიმინელთა ბრავად.

ან ეს აღსარებანი ამოგლიჯეს ძალით, შიშით გვეუეს საცოდავ მსხვერპლთ, დაქანცულთ ფიზიკურად და მორალურად და ამ პირობებში რა შეხედულება უნდა ვიქონიოთ საბჭოების სახელმწიფოს დღევანდელ ბატონებზე, თვით ამ სახელმწიფოზე,

მის სამართალზე, მის პოლიციაზე, მის ზნე-ჩვეულებებზე? როგორც პირველ, ისე მეორე შემთხვევაში მსოფლიო სოციალიზმი ზიანდება».

ბოლშევიზმი თავიდანვე მსოფლიო სოციალიზმის და საერთოდ კულტურის უბედურება იყო. ამას ჩვენ ყოველთვის ნათლად ვხედავდით. ამიტომ ენერგიული ბრძოლა ბოლშევიზმის წინააღმდეგ ერთ წუთსაც არ შეგვიწყობია. დღეს ბოლშევიზმი დიდ კრიზისს განიცდის. ევროპაში ის კარგავს უკანასკნელ პოზიციებს. აღსასრულის უკამო მოახლოვებულა. კართაგენი უნდა დაინგრეს. იგი დაინგრევა ვიყოთ ფხიზლად და მზად!

ილია ნუცუბიძე.

წერილები იტალიაზე

არ მოიპოვება მეორე ქვეყანა, რომლის შესახებ იმდენი იყოს გამოკვლევული, შესწავლილი და დაწერილი, რამდენიც ეს იტალიაზეა. ერი, რომელიც ოდესღაც საუკუნეთა მანძილზე ბატონობდა მთელს მსოფლიოს, ბუნებრივად იპყრობდა წარსულ დროთა მკვლევარების ყურადღებას. მაგრამ რომი სავსებით არასოდეს გადასულა წარსულში არც თავისიანთა და არც სხვათათვის. ძველი რომის სახელმწიფოებრივი იმპერიის შემკვიდრების დიდი ნაწილი დარჩა იმავე რომს, როგორც უმძლავრესი მსოფლიო ეკლესიის სათავეს. მართალია რომაელ იმპერატორთა ლეგიონებს ხორციელად უფრო მტკიცედ ჰყავდათ დაკავშირებული რომთან მრავალნი ერნი და ქვეყანანი, ვიდრე რომაულ საეკლესიო იმპერიას, მაგრამ ქრისტეს ჯვარით აღჭურვილი რომის ეკლესიის მსახურნი დიდად გასცილდნენ ძველი რომის მახვილით შემოხაზულ საზღვრებს და მთელი დედამიწის მანძილზე არ დარჩენილა ხალხით დასახლებული მტკაველი მიწა, სადაც რომაულ ეკლესიის მოციქულთა ფერი არ დამდგარიყოს.

ამ ორი რომაული იმპერიის ამბავი ოცი საუკუნის მანძილს სჭარბობს, და მთელი ამ ხნის განმავლობაში იტალიას ცხოველი კავშირი ჰქონდა თითქმის მთელს მსოფლიოსთან. სახელმწიფოებრივსა და ეკლესიურს კავშირს თან მისდევდა ურთიერთობა კულტურული და ასევე სავაჭრო, რომლისთვისაც იტალიას განსაკუთრებულად კარგი პირობები მოეპოვებოდა. ყოველივე ამის მიხედვით იტალია გადაიქცა განვლილ დროთა ნაშთების საჭურჭლედ. ყველა ხალხთა და ყველა ეპოქათა კვალი მოიპოვებოდა აქ და ამითი მკვლევარნი იტალიის გზას ვერ აუხვევდნენ. უცხოელებს იზიდავდა აგრეთვე ამ ქვეყნის ტურფა ბუნება და ვინც კი თავის სამშობლოს გასცილდებოდა უცხო ქვეყანათა ხილვის მიზნით, მისი გზა იტალიას იშვიათად აუხვევდა.

ყოველივე ამის მიხედვით, იტალია ყველა სხვა ქვეყნებზე უფრო ახლო და ცნობილი იყო კულტურული ხანის მთელ მანძილზე. ამის გამო უთუოდ ბევრისთვის ფრიად გასაოცარი და მოულოდნელი იყო ის ამბავი, რომლის მოწამენი გავხდით ამ უკანასკნელ წელს. იტალია შეიპტა შორეულს აფრიკე-

თის ერთს ქვეყანაში და მისი დამორჩილება განიხრახა. ასეთ განზრახვას იტალია იმით ასაბუთებდა, რომ აბაშეთის იმპერია მუდმივ თავდასხმებს ახდენდა მის აფრიკანულს კოლონიებზე და არღვევდა მასთან დადებულ ხელშეკრულებებს. მეორეს მხრივ იტალია არ ჰფარავდა, რომ ამ მცირედ დასახლებულ ქვეყნის დამორჩილება მას სავალაუბრებს მისცემს დააკმაყოფილოს იტალიის გარდაუვალი საჭიროება—გაფართოვება მეურნეობისათვის გამოსადექ მიწის სივრცისა. ასეთი ამბავი მრავალჯერ მომხდარა შორეულსა თუ მახლობელს წარსულში და ამავე, თუ კიდევ უფრო სუსტი დასაბუთებით. ხშირად ასეთი დავები სხვა, დაინტერესებულ სახელმწიფოთა ჩარევასაც იწვევდა, მაგრამ ესა ადვილი ჰქონდა ისეთს ჩარევას, რომლის მსგავსი არ ახსოვს მსოფლიო ისტორიას. იტალიის ზრახვებმა აამხედრა და მის წინააღმდეგ დარაზმა არა ერთი და ორი, ამ საქმეში უშუალო ინტერესების მქონე, არამედ 50 სახელმწიფო, რომლებთა ცხრა მეათედს არავითარი ინტერესები არ ჰქონდა არც აბაშეთსა და არც საზოგადოთ, აფრიკეთში. ასეთი დარაზმულობა მოეწყო თანამედროვე ცივილიზაციის სამშობლოს წინააღმდეგ და, მამასადამე დასაცავად მისი მოპირდაპირისა, აფრიკანულ იმპერიისა, რომელიც ჯერ კიდევ არ იყო გამოსული ბარბაროსულ მდგომარეობიდან. ასეთი გარემოება უთუოდ დიდად საჩოთრო იყო იტალიის წინააღმდეგ შემდგარ კოალიციისათვის, რომამ მის საფუძვლად ის იყო გამოცხადებულნი, რომ აფრიკანული იმპერია ერთა ლიგის წევრი იყო და მამასადამე ბრძოლა სწარმოებდა საერთაშორისო უფლებისა და ზავის დაცვის ნიდავზე.

ჩვენ აქ არ ვეხებით არსებითად ამ დავას და არც მის საფუძვლებს. გვინდა მხოლოდ მივაქციოთ მკითხველის ყურადღება ამ არაჩვეულებრივ დარაზმულობის კიდევ უფრო არაჩვეულებრივს შედეგსა და გამოძახილზე. აფრიკეთში ატეხილი ომი დასრულდა აბაშეთის ანექსიით იტალიის მიერ. ეთიოპიის იმპერატორი თავის ფეხით ეახლა ენენვის საკრებულოს და მას დაღალატინებისა და დაპირებათა არ შესრულების საყვედურები გამოუტყვავდა. ამის საპასუხოდ ერთა ლიგამ ახსნა იტალიას სანქციები და

მასთან თითქმის ნორმალური დამოკიდებულება აღადგინა. ერთა ლიგის მეთაურნი და იტალიის წინამძღვე დარაზმულ სახელმწიფოთა ხელმძღვანელნი და მათი პრესსა გულახდილად აღიარებენ, რომ ისინი მოტყვილდნენ, შეცდნენ. ამასთანავე ირკვევა, რომ ეს მოტყვილება და შეცდომა არ ენება დავისა და მასთან დაკავშირებულ მოვლენათა რომელიმე მხარესა და ნაწილს, არამედ ყველა საკითხებსა და გარემოებებს. ირკვევა, რომ შემცდარად იყო წარმოდგენილი ნეგუსის სამხედრო ძალა, ავტორიტეტი და მთლიანად მისი იმპერიის წყობა და ბუნება. ასევე შემცდარად ყოფილა წარმოდგენილი თვით იტალიის სამხედრო, ეკონომიური და ფინანსური შესაძლებლობანი. ირკვევა, რომ შეცდენ ისინიც, ვინც ჰფიქრობდნენ, რომ 50 სახელმწიფოს მუქარა ისეთს გავლენას მოახდენს იტალიაზედ, რომ საფრთხეში ჩააგდებს მის პოლიტიკურს რეჟიმს. შემცდარად ყოფილა წარმოდგენილი თვით ამ 50 სახელმწიფოს შესაძლებლობანი და მათი სანქციების ძალა. ისიც გამეფიქრებდა, რომ ამ ომში სხვადასხვა ჩარევამ ეს ომი კი არ დააშორა ევროპას, როგორც ფიქრობდნენ, არამედ მას მეტად მიუახლოვდა და იყო მომენტები, როდესაც ეს ზავი ევროპაში ბეწვზე ეკიდა.

და როდესაც დღეს ასე ახდილად აღიარებენ ყველანი, პოლიტიკოსნი და მხედარნი, მეცნიერნი და ყურნალისტები, რომ მოტყვილდნენ და შეცდნენ ყველაფერში, იბადება კითხვა—თუ როგორ ხდება ეს უნივერსალური შეცდომა და მოტყვილება ჩვენს დროში, როდესაც მანძილი თითქმის სრულყოფით აღარ არსებობს და ყველა ქვეყნები ერთ საერთო ჭერს ქვეშ მოქცეულად გვეჩვენება, როდესაც პრესის წარმომადგენელნი ისევე იოლად დასეირნობენ ოკეანეთა გაღმა მდებარე ქვეყნებში, როგორც თავის ეზოში, და როდესაც სახელმწიფოთა მეთაურნი მეტს დროს ატარებენ სხვადასხვა საერთაშორისო კონგრესებზე, ვიდრე თავის სამინისტროებში? ჯერ ერთი, აბაშეთი როგორ მივიჩნით ჩვენი მხედველობისთვის ამზომად მიუწვდენელ ქვეყნად ამ ავიონისა და ტენეფის ხანაში და მით უმეტეს იტალია, რომელიც კულტურულ კაცობრიობის გულში იყო მუდამ მოქცეული და დღემდე იქიდან არსად წასულა?


მიუხედავად ამისა, ჩვენ მინც გვაქვს საბაზი ვიფიქროთ, რომ ამ შეცდომათა დიდი ნაწილი სრული სინამდვილეა. ამის მიზეზი კი ის არის, რომ იტალიას ყველანი კარგად იცნობენ და ისე კარგად, რომ საქირთთ არ მიაჩნდათ მისი ცხოვრების მსვლელობის დაკვირვებელი შესწავლა და თვალყურის დევნება. ვინ არ იცნობს კოლონებს, რომისა, ვენეციისა და ფლორენციის ტაძრებსა და სასახლეებს, ვინ არ იცნობს გენიალურ მხატვრებსა და მოქანდაკეთ? ვის არ უხილავს, რომი, ვენეცია თუ ფლორენცია, ვინ არ დამტკბარა ნეაპოლური ჰანგებით, ვინ არ აფასებს იტალიურ პოეზიას და მის მუსიკალურ გენიას? სხვა ქვეყნებზე უცხოელებმა ამის ნახევარიც არ იციან, და არ არის გასაკვირველი, თუ ამაზე მეტს გულისყურს აღარ უთმობენ იტალიის გაცნობას—და შესწავლას. ამით აიხსნება, რომ ნაკლები ყურადღება რჩება იტალიის ცოცხალ ცხოვრებას, ხალხს,

მის აწმყა ვითარებას. რაფაელისა და ტიციანის გენიალური ტილოები ჰფარავენ უცხოთა მხედველობისაგან ცოცხალ ხალხს და იტალიის აურაცხელ მუხეუმებში თავმოყრილი მარმარილოს ქანდაკებანი ასევე ჰფარავენ მრავალ მილიონ იტალიელს. რომელიც არა მარმარილოდან, არამედ უბრალო ქვიდან და აგურიდან უშენებენ მთელს ქალაქებს ევროპისა და ყველა სხვა კონტინენტზე მცხოვრებ ერებს.

მაგრამ ჩვენს დროში ამ მხატვრულ ფარდულეებს, რომელიც ჰფარავენ უცხოელთა მხედველობისაგან იტალიის ცოცხალ ცხოვრებას, ხალხის ბუნებასა და მის ჭირ-ვარამს, კიდევ მიემატა ახალი ფარდული ფაშისხის სახით. ისიც ბევრს უმოკლებს და უბნევს მხედველობის სხივებს. ანტიფაშისტისათვის იტალია ჯოჯოხეთად არის გამოცხადებული. აქ გასაცნობი არაფერია, ყოველივე ნათელია და გარკვეული. უცხოელი ფაშისტი კიდევ მას სამოთხედ აცხადებს და არც ის იტებს თავს არსებობთად მის გაცნობისათვის. ამ რიგად იტალიას ესლა კიდევ უფრო გაუმრავლდა მეფეალყურენი და მოდარაჯენი, მაგრამ თუ სხვანი არაფერს ხედავდნენ იტალიის გენიის წარსულის ნაშთების იქით, ესენი თავს არ იწუხებენ, რომ თავის მხედველობის ძალა გააცილონ იტალიის ფაშისტურს სამოსელს და მის შიგნით მოთავსებულ შინაარსს გაეცნონ. რასაკვირველია იტალიას არა ასეთი ფერადი სათვალეებით მაცქერალნიც ეყოლება უცხოთა შორის, მაგრამ, როგორც სინამდვილე გვაჩვენებს, ასეთნი საქმაოდ მრავალრიცხოვანი არ ყოფილან.

ამ რიგად ჩვენ მოწამენი გავხდით იტალიის შესახებ მრავალ შეცდომისა, მაგრამ ამის მონაწილენი ჩვენ არ ვყოფილვართ. მწარე ბედის მეოხებით ჩვენი ერი საერთაშორისო ურთიერთობის გარეშეა მოქცეული და ამის გამო იტალია-აბაშეთის ომის გამო ატეხილ ამბებში მას წილი არ უდევს. ჩვენ ამ საკითხს იმისთვის შევგებთ აქ გაკვიროს, რომ ამით წინასწარ გავვემქლავებინათ მკითხველისათვის ჩვენი საკუთარი მიდგომა თანამედროვე იტალიის უმთავრეს მოვლენათა გაშუქების დროს. ფაშისტური თუ ანტიფაშისტური სულისკვეთებით მზერა ჩვენ ვერ მოგვცემს იტალიისა თუ სხვა ქვეყნის სწორსა და სრულს სურათს. აქ საჭიროა უწინარეს ყოვლისა სადა და შეუფერადებელი სინამდვილის აღნიშვნა და ამასთან ერთად უმთავრესის, ძირეულისა, თორემ უცხო ქვეყნის ამბის წვრილმანებით დატვირთვა ხშირად ჰფარავს და შთანთქავს მის არსებითს შინაარსს.

თანამედროვე იტალიის გაცნობა ჩვენთვის მრავალმხრივ არის სავალდებულო. საქართველოს მუდმივი კავშირი ჰქონდა ამ ქვეყანასთან მრავალ საუკუნეთა მანძილზე რომის იმპერიის დროიდან დაწყებული. იგი ამ ხანად უდიდესს ეროვნულს აღორძინებას განიცდის და მსოფლიოში ერთ ერთ უდიდეს ფაქტორად ხდება. თვით ეს ქვეყანა არასოდეს ჰკარგავდა თავის მხედველობიდან ჩვენს სამშობლოს და მასთან ეკონომიურ და პოლიტიკურ ურთიერთობასთან ერთად მტკიცე სულიერს კავშირს ამყარებდა. რომის ისტორიკოსებს მნიშვნელოვანი



წვლილი აქვთ შეტანილი საქართველოს წარსულის გაშუქებაში და ასევე საშუალო საუკუნეების რომაულ ეკლესიას და მოგზაურებს. მართალია ასეთი კავშირი რომისა საქართველოსთან დიდად შესუსტდა და უკანასკნელი საუკუნის მანძილზე, როდესაც საქართველომ დაპყრობა საკუთარი სახელმწიფოებრივი მეობა, მაგრამ რომ ეს სამუდამოდ ასე არ დარჩება, ამის საბუთია ის ცხოველი ინტერესი, რომელიც გამოიჩინა იტალიამ საქართველოს მიმართ მისი დამოუკიდებლობის აღდგენის ხანაში.

ყოველივე ამის მიხედვით ჩვენ დიდის გულის-ყურით გვმართებს ამ ქვეყნის თანამედროვე ვითარების გაცნობა და მისი ცხოვრების განვითარების თვალყურის დევნება, რომ ჩვენც არ მოგვიხდეს ერთ დროს გულახდელი აღიარება—შევიდით, ყოველივე ამას არ მოველოდით. რომ ერთია ის იტალია, რომელიც ჩვენ წარმოდგენილი გვქონდა რომის ძველი ისტორიული ნაშთებისა და მისი ცხოვრების ზერეღეთ თვალის გადავლებისა, თუ უცხო ქვეყნებში გაცნობილ იტალიელების მიხედვით, და სულ სხვაა ენლანდელი აღმდგარი და ამოძრავებული ერთი, ამის დაჯერებისათვის არც დიდი კვლევაძიება არის საჭირო და არც დიდი გულთმისნობა. საკმარისი იყო საკუთარი თვალთ ხილვა უკანასკნელ წლის განმავლობაში მოხდენილ რომელიმე რადუნატასი და, განსაკუთრებით 5 და 9 მაისისა, როდესაც თავის სამშობლოსა თუ მის გარეშე მყოფნი 50 მილიონი იტალიელი ერთად იყვენ თავმოყრილი სოფლისა და ქალაქის მოედნებზე ერთი სულისკვეთებით ამოძრავებული, ერთი აზრისა და ერთი ნებისყოფით შეპყრობილნი.

(შემდეგი იქნება) ალ. ახათიანი.

რ ა მ ო ა მ ვ ს ღ ღ ე მ ს
საქართველოს საღამო *)

ელიზა ორჟეშკოს სახელობის, მწერლობასელოვნების მეგობართა საზოგადოების მიერ გამართულ არც ერთ ლიტერატურულ საღამოზე არ ყოფილა არასოდეს ისეთი თბილი ატმოსფერო, როგორც უკანასკნელ საღამოზე, რომელიც ეძღვნა საქართველოს, საქართველოს წამებულს, საქართველოს ვერაგულად თავისუფლება-წართმეულს, საქართველოს დედამიწის უმშვენიერეს კუთხეს, საქართველოს, რომლის ისტორია ათასი წლობით უსწრებს ქრისტეს დაბადებას. როდესაც ვისმენდი მომხსენებელ პროფ. ნაკაშიძის მშვენიერს პოლონურს (თუმცა უცხო აქცენტით), რომელიც მოგვითხრობდა თვის მშობელ ქვეყანაზე, მის წარსულზე და ერზე, ვფიქრობდი, რომ ალბად არ მოიპოვება მსოფლიოში სხვა ისეთი ერი, რომელსაც შეეძლოს მოლაპარაკის უკეთესად გაგება, უფრო მძლავრად მისი ტკივილების განცდა, მისი სამშობლოსადმი მეტი თანაგრძნობის გამოჩენა, როგორც შეგვიძლია ეს

ჩვენ-პოლონელებს. და მართლაც დღევანდელი ბედი საქართველოსი ეს ხომ პოლონეთის გუშინდელი ბედი არის!

ქართველთა უბედობა, რომელნიც იძულებულნი არიან დღეს უცხო ერთა შორის ეძიონ თავშესაფარი, ეს ხომ უბედობაა ჩვენი 1831 წ. აჯანყების ემიგრაციისა. და თვით მომხსენებელი ეს ხომ ქართველი ძმა ჩვენი მიცვივიების, სლოვაკების, მოხნაკების, რომელთა ხმა იჭრებოდა, ამოძრავებდა ევროპის თავისუფალ ერთა გულსა და სინდისს.

ამიტომაც ვისმენდით ამბებს გმირულ საქართველოსა და მის რაინდულ ერზე ისე, თითქოს ვისმენდით ჩვენი საკუთარი ისტორიის ამბებს ახლო წარსულიდან. ბ. ნაკაშიძის მოხსენებაზე ჩვენი გული აღსავსე იყო კეთილშობილ თავგანწირულ ერის აუცილებელ გამარჯვების იმავე რწმენით, რა რწმენითაც იმსჯვალებოდენ ჩვენი წინაპარნი პოლონეთის ერის ქურუმ წინასწარმეტყველთა სიტყვების მოსმენის დროს.

ჩვენ—ბედნიერებმა—ვიცით, რომ ასეთი რწმენა ფუჟად არ ჩაივლის. საკუთარ გამოცდილებით გვწამს, რომ აგრეთვე გამართლდება, აღსრულდება მოლოდინი მოძმე ქართველ ერისა.

ამ რწმენას გვიღრმავებს ის მონათესავე მოვლენაც, რომ როგორც ქართველებისათვის, აგრეთვე პოლონელებისათვისაც უცხოა სხვისი ქვეყნის დაპყრობა-მისაკუთრების მისწრაფება.

გამიჯნურებულნი თვის საკუთარ ლეგენდარულ წარსულის, გაგიყებით მოყვარულნი თავის ქვეყნის და დიად კულტურის, მფლობნი დედამიწის საუკეთესო კუთხისა, რომელიც უხვად დაჯილდოვებულია ყოველგვარი სიმდიდრით და სიმშვენიერით.—ქართველები ნატრობენ თავისუფლებას, რათა შესძლონ დაუბრკოლებლად გაშალონ ფრთები სულიერ და მატერიალურ უმემკმედებისა და მიიღონ მონაწილეობა სხვა ერებთან ერთად მშვიდობიანობის და ცივილიზაციის დამყარებასა და განვითარებაში. ეს კეთილშობილური სურვილები ქართველი ერისა ჩაახშო დროებით იმავე სახელმწიფომ, რომელმაც ოდესღაც თავისუფლება მოუსპო პოლონელ ერს, თავისუფალ საქართველოს მიმართ იხმარა იგივე მეთოდები, რაც დაცემის გზაზე დამდგარ პოლონეთის მიმართ, საქართველოს შვილებისათვის გახდა ის ისეთივე ციხე როგორც იყო ოდესღაც ჩვენი ერისთვის,—ყველაფერი ეს იმის მაჩვენებელია, რომ საქართველოსათვისაც ახლო მომავალში—ისე როგორც ჩვენთვის უკვე—ამოძრწყინდება მზე თავისუფლებისა. ჩვენც ისე, როგორც თავისუფალ საქართველოს, გვარწმუნებდა რუსეთი, რომ გახდებოდა დამხმარე და მოამავე ჩვენი ერისა, რათა შემდეგ მოულოდნელად თავს დაგვსხმოდა, ყოველივე გაეძარცვა და თავისუფლება წაერთმია. ჩვენც ვერ გამოვადექით ფრთხილნი და წინდახედულნი. ჩვენც ვენდობოდით. დაბოლოს ჩვენც ცინიკურ ვერაგობასთან და მუხანათობასთან მოგვიხდა საქმე. ბედმა, ამ სინამდვილეთა მიხედვით, ბევრი ტანჯვა-წამება გვარგუნა, მაგრამ ბევრი რამეც გვასწავლა. წავგართვეს, წავვლიჯეს, რისიც წალბა და გაძარცვა ც შე-

*) პოლონურ გაზეთ «Gzodzien. Wiadomosci» დან.



იძლებოდა, მაგრამ ვერ წავგვართვეს ის, რაც ერის ცხოვრებაში ყველაზე უძვირფასესია: რწმენა საკუთარ ძალის, რწმენა თვისი დანიშნულებისა და მომავალ ცვლილებებისა.

ამიტომაც გვხარებდა ჩვენ—ბ. ნაკაშიძის მადლიერ მსმენელთ—იმის გაგონება, რომ დიდებოთა და დაცემათაგან აქარგულს საქართველოს ისტორიაში, ეს რწმენა არასოდეს მომკვდარა.

ლექტორის წარმტაცი მოსხენების პოლონელ მსმენელთა სიხარული მით უფრო დიდი იყო, რომ დაგვიტკიცა: დღესაც მონობაში მყოფ ქართველ ერში ეს რწმენა მკვდრეთით აღდგენის და განთავისუფლებისა კიდევ უფრო ძლიერია, ვიდრე ოდესმე ყოფილა.

არ შეიძლება არ დაღონდე, მწუხარებით და ტანჯვით არ აგვესოს გული, როდესაც იცი, რომ ქართველთა მშვენიერ სამშობლოში გრძელდება მუდმივი სისხლის ღვრა თითქმის ყოველ სამ წელში განახლებულ აჯანყებათა მიერ გამოწვეული. შეუძლებელია სული არ აშფოთდეს იმის ამბით, რომ გზაზე, ქუჩაში, სახლში, ზღაპრულ მიჯაჭვულ პრომეთეს ქვეყანაში გაისმის ბორკილთა ჩხარუნი...

მაგრამ არის ამაში სასიხარულო საწინდარიც, საწინდარი ქართველი ერის სულის სიძლიერისა. ასეთი სული არ გატყდება, ასეთი სული გაიმარჯვებს. ასეთი სულის მქონე ერი ისტორიის ბორბლებს მძლავრად შემოატრიალებს და გამოუტყდეს თვის სამშობლოს ახალს მომავალს.

გაუმარჯოს საქართველოს!

Stanislaw Ziemiak.

პოლონური პრესა

(წერილი პოლონეთიდან)

პოლონური პრესა არის დამოუკიდებელი, არ ემორჩილება გარეშე ზეგავლენას, არ არის აგრეთვე დამოკიდებული «მატერიალურ გავლენისაგან».

აქაური პრესა გამონატავს სხვადასხვა ჯგუფთა შეხედულებას. ეს შეხედულებანი არ არიან ყოველთვის ყველაფერში ერთნაირნი. მაგრამ არის საგნები, რომელსაც მთელი პრესა ერთნაირად უყურებს. პოლონეთის პრესის განხილვის დროს საინტერესოა ჩვენთვის სამი კითხვის გარკვევა, სახელდობრ ის, თუ როგორ აქვს მას წარმოდგენილი თვისი სამშობლოს ისტორიული როლი, შემდეგ მისი ურთიერთობა საბჭოებთან და კომუნისტთან და ბოლოს კი მისი დამოკიდებულება ჩვენდამი.

მთელი პრესა განურჩევლად აღიარებს პოლონეთის განთავისუფლებას ყოველგვარ გარეშე, უცხო ზეგავლენისაგან, მოითხოვს ორიენტაციის მხოლოდ და მხოლოდ თავის თავზე. არსებობს ერთადერთი პოლონეთის სახელმწიფოებრივი ინტერესი და უარყოფილია სამსახური ყოველგვარ სხვა ინტერესებისა.

პოლონეთი უნდა იქნეს ძლიერი, რომ შეასრულოს პირნათლად ის როლი აღმოსავლეთ ევროპა-

ში, რომელიც მისმა გეოგრაფიულმა მდებარეობამ დააკისრა.

საზოგადოებრივ თუ საერთაშორისო საკითხებს პრესა არჩევს იმ თვალსაზრისით, თუ რამდენად ესა თუ ის მოვლენა პოლონეთისათვისაა სასარგებლო.

საბჭოებისა და კომუნისტებისადმი მიდგომა უქვევლად უარყოფითია. სხვანაირად შეუძლებელიც არის პოლონეთში რომ ყოფილიყო, ვინაიდან როგორც მეზობელი საბჭოების, ის ხედავს ბევრს ისეთს რასმე, რაც გაუგებარი და მიუწვდომელია სხვა შორეულ ქვეყნებისათვის. ყველას შესანიშნავად ესმის, თუ რა არის მოსკოვის ნამდვილი სურვილი და მიზანი, იციან, თუ რას მოუტანს პოლონეთს კომუნისტები. საერთო საზღვარი საბჭოებთან ხელს უწყობს კომუნისტური საწამლავის საწინამდევო იმუნიტეტის გამოუმუშავებას.

უარყოფითი შეფასება კომუნისტებისა და საბჭოთა სისტემისა აშკარად სჩანს მთელს პრესაში იმ განსხვავებით, რომ ზოგიერთი ორგანო მსჯელობს მათზე მშვიდობიანი კილოთი, ზოგი კი სასტიკ კრიტიკის ქარცეცხლში ატარებს საბჭოთა წესწყობილებას.

ხშირი მოვლენაა, რომ ახალგაზდობა უფრო მეტის სიმპატიით უყურებს გარეგნულ, მყვირალა ეფექტებით აღსავსეს კომუნისტურ პროპაგანდას, ვიდრე უფროსი თაობა, რომელსაც ცხოვრების გამოცდილებამ ბევრი რამ ასწავლა. პოლონეთში კი ახალგაზდობის პრესაც ასეთივე სიფრთხილე-სიფხიზლით უდგება საკითხს, როგორც დანარჩენი პრესა, ხოლო უფრო მეტის სიძლიერით და თავშეუკავებლად გამოსტყვამს თავის აზრს.

გადავიდეთ ეხლა მესამე კითხვაზე, რაიც ჩვენთვის პირადად ყველაზე უფრო საინტერესოა, სახელდობრ. თუ როგორ უყურებს აქაური პრესა ჩვენს საკითხს.

კავკასიის შესახებ განხილვებში მოთავსებული მრავალი წერილი აშკარად მოწმობს, თუ რა დიდ ინტერესს იწვევს ჩვენი საკითხი აქ.

მოჰყავთ ისტორიული, სტატისტიკური და გეოგრაფიული ცნობები, აგრეთვე ჩვენი ტრადიციული შეხედულებანი, იწერება ბევრი ჩვენი კულტურის შესახებ, ხოლო ყოველთვის, როგორც მთავარი, ხაზგასმით აღნიშნულია ჩვენი თავისებურება და ის, რომ რუსეთთან გარდა ძალადობისა არა გვაკავშირებს რა, რომ ჩვენ მხოლოდ უხეში ძალის მიერ ვართ დამორჩილებული და როგორც ზედმიწევნით შეგნებულ ერი მხნედ ვიბრძვით დამოუკიდებლობისათვის და ამ დამოუკიდებლობის ღირსი ვართ ყოველმხრივ.

მთავარი პუბლიცისტი, რომელიც კავკასიის საკითხებს ხშირად არკვევს, არის ოტმარი, ყოფილი წარმომადგენელი პოლონეთის პრესისა მოსკოვში. ბნი ოტმარი შესანიშნავი მცოდნეა კავკასიის საკითხებისა და აგრეთვე დიდი ჩვენი მეგობარიც, მან უძღვნა ფრიად საინტერესო წერილები კავკასიის ერებს, სადაც აცნობს თვის თანამემამულეთ კავკასიას და იმ მუშაობას, რომელსაც იქ საბჭოები აწა-

რმობენ. ყოველთვის მიუდგომლად და ობიექტურად არკვევს სავანს.

უნდა აღინიშნოს, რომ წერილები ბნ ოტმარის იბეჭდება «Gazeta Polska-ში, რომელიც ძლიერ ახლოს სდგას მთავრობის წრებთან.

სხვა მწერლებიც დიდს ყურადღებას აქცევენ ჩვენს საკითხს. ყოველთვის როდესაც პრესაში ლაპარაკია საბჭოთა ორპირობა-ვერაგობაზე, საქართველოს ბედი არის მაგალითად ნაჩვენები.

საილუსტრაციოდ იმისა, თუ რა ინტერესს იწვევს ყოველივე ჩვენი ნაბიჯი აქ, შეიძლება დავასახელოთ მრავალი წერილი, რომლებიც დაბეჭდეს გაზეთებმა, როცა ჩვენმა დელეგაციამ პოლონეთის დიდი მარშალ იოსებ პილსუდსკის საფლავი გვირგვინით შეამკო. რადიომც კი ამცნო ეს ამბავი მთელს პოლონეთს. პრესამ რამდენიმე წერილი უძღვნა აგრეთვე რუსეთის ახალს კონსტიტუციას, სადაც იყო აღნიშნული, თუ რა შედეგები მოჰყვება კავკასიის ერთა მდგომარეობისთვის ამ ახალი კონსტიტუციას.

აგრეთვე ფრიად საინტერესოა წერილი იყო მოთავსებული გაზეთში საბჭოებსა და ოსმალეთს შორის მომტროში მომხდარ ერთგვარ უთანხმოების გამო, სადაც ნათქვამი იყო, რომ საბჭოები ალბად დაერიდებიან ოსმალეთთან დამოკიდებულების გამწვავებას, ვინაიდან ოსმალეთ რუსეთის საზღვართან მდებარეობს კავკასია, ქვეყანა სავსებით განსაკუთრებული თვისებათა მქონე და არაჩვეულებრივ ეროვნულ შეგნების სიმალლეს მდგომი.

დ. მ.

მსოფლიო ბოლშევიზმი

ბერლინში გამოვიდა ფართო ფორმატის ხუთას გვერდიანი წიგნი: «მსოფლიო ბოლშევიზმი». გამოცემულია გერმანიის ანტიკომუნისტური ცენტრალური საპროპაგანდო კავშირის «ანტიკომინტერნის». წიგნი წარმოადგენს კრებულს. 50-მდე ავტორი დედა-მიწის ყველა კუთხიდან აღწერენ ბოლშევიზმის დამანგრეველ მუშაობას თავიანთ ქვეყნებში. წიგნის მთავარი დამამუშავებელი კი არის «ანტიკომინტერნის» თავმჯდომარე დოქტორი ადოლფ ერტი, ავტორი რამდენიმე ცნობილი ანტიკომუნისტური ბროშურისა («შეიარაღებული აჯანყება», «ტერორი», «ბნელეთის ძალთა აშვება» და სხვა). წიგნი დანაწილებულია ხუთ თავად:

I კომინტერნი და დემოკრატიულ-ლიბერალური სახელმწიფოები, II კომინტერნი და ავტორიტარული სახელმწიფოები (ექვსი ევროპიული სახელმწიფო), III კომინტერნი და «დამოუკიდებლობას მოკლებული» ქვეყნები (ახლო და შორეულ აღმოსავლეთში), IV კომინტერნი და საბჭოთა კავშირის მოსაზღვრე ქვეყნები, V კომინტერნი და საბჭოთა კავშირის ერები.

აშკარაა, სრულიად გამართლებულია და მისანშეწონილი დანაწილება, რომელსაც წინ მიუძღვის ვრცელი შესავალი «კომინტერნი მოსკოვში», რომ-

ლის ავტორად ხელს აწერს: «ანტიკომინტერნი ბერლინ ბერლინში». აქ მოცემულია კომინტერნის წარმოშობისა და განვითარების ისტორია და შინი მიზნებისა და ორგანიზაციის ზოგადი დახასიათება. ყურადღებას იპყრობს ორი საინტერესო დიაგრამა: «ორგანიზაციული შენობა მსოფლიო ბოლშევიზმისა», რომელიც წარმოადგენს სამება-ერთარსებას: სახელმწიფოს, პარტიას, კომინტერნს; და «ბაზისი და გენერალური შტაბი მსოფლიო რევოლუციისა» ანუ «ბროვა სტალინის ირგვლივ», რომელიც თვალწილულ რთულ ფიგურად აყალიბებს მსოფლიო ბოლშევიზმის დირიჟორთა გროვას. ყველაზე უფრო მნიშვნელოვანი კი ამ შესავალ წერილში არის დამარწმუნებელი დახასიათება ბოლშევიზმის ექსპანსიური, მსოფლიო იმპერიალისტური მიზნების, რომელნიც აშკარად სჩანან როგორც ბოლშევიზმის იდეოლოგიასა და მესვეურთა უამრავ სიტყვებსა და ციტატებში, ისე მოსკოვის წითელი იმპერიალიზმის მთელ საქმიანობაში. აქ შესაფერად აღნიშნულია, თუ რა საშინელ საფრთხეს წარმოადგენს მთელი გარემო ქვეყნების ამ ექსპანსიური პოლიტიკის მთავარი ფაქტორის-საბჭოთა წითელი არმია-კომინტერნთან ერთად.

შემდეგ მოდის წერილები თვითეული ქვეყნიდან ზემოაღნიშნული რიგებით. არ შეგჩერდებით თვითეულ ქვეყანაზე. ყველა ქვეყნიდან მოცემულია ჩვენი მკითხველისთვის ნაცნობი, თუ ადვილად წარმოსადგენი სურათი. აღნიშნავთ მხოლოდ, რომ ეს სურათები დასაბუთებულია თითქმის ყველა უმნიშვნელოვანესი ფაქტების და დოკუმენტების აღნუსხვით და აგრეთვე მრავალი ფოტოგრაფიით, რომელნიც გვიჩვენებენ ბოლშევიზმის და მისი აგენტების მსხვერპლთ, თუ თვით ამ აგენტებს.

ჩვენი მკითხველისთვის განსაკუთრებით საინტერესოა, ცხადია, ის, რაც თვით საბჭოთა კავშირის ერთა ტრალედიტ ეხება. აქ განსაკუთრებული სიამოვნებით უნდა აღინიშნოს, რომ თვითეულ ცნობილ ერზე ცალკე წერილია მოთავსებული: თვით რუსეთზე, უკრაინაზე, საქართველოზე და ასე კარელიამდის, სულ თერთმეტი წერილია. აქლია მხოლოდ სომხეთი, რაც ცხადია სამწუხარო მოვლენად უნდა ჩაითვალოს.

საქართველოზე ოთხგვერდიან წერილს სწერს «დოქტორი ნ. ნაკურავილი, ლონდონიდან».

ანტიკომინტერნი თავისი მიმართულებით არის არა მარტო ანტიკომუნისტური დაწესებულება არამედ საერთოდ ანტიმარქსისტული და ანტიდემოკრატიულიც. ამიტომ მისი თანამშრომელი ავტორები ცხადია სოციალდემოკრატიულ მიმართულებებსაც არ სწყალობენ, სთვლიან რა მათ კომუნისმის მოკავშირეებად. ხშირად მათი რისხვა სამართლიანიც არის, რა თქმა უნდა. მაგრამ მაინც ყველა სოციალდემოკრატიული მიმართულების ერთ დავჯავში ჩაყრაც ვერ არის ობიექტური მოპყრობა. ამიტომ განსაკუთრებით სხვადასხვა ქვეყნის შვილის ვალია აქ მიუდგომელი ცნობები მიაწოდოს თავის უცხოელ მეგობრებს. აშკარაა თვით ამ უკა-



ნასკნელების (თვით ბერლინელი ცენტრის) სურვილი და ინტერესიც არის ეს. მაგრამ სამწუხაროდ ქართველი ავტორი ამ ობიექტიურობის სათანადო სიმძლავრე ვერ დგას. ის ცდილობს თავიდანვე გაილაშქროს ქართველი სოც.-დემოკრატიის და ერთგულ მთავრობის წინააღმდეგ: დააბრალოს მათ პოლიტიკას რაც შეიძლება მეტი, შეამციროს მათი ღვაწლი, არ მოიხსენიოს შეეძლო ეთქვა, რომ დანიის სოც.-დემ-ია გადაჭრით წინააღმდეგია კომუნისტებთან საერთო ფრაქციის, რატომ არ შეეძლო ქართველს, რომელიც თვით ქართველ კომუნისტ-«უკლონისტებშიც» კი ხედავს პატრიოტულ მიდრეკილებებს, აღნიშნა, რომ ის ქართველი სოც.-დემ-ია, რომელსაც მისივე სიტყვით უმრავლესობა ყავდა საქართველოს დამფუძნებელ კრებაში, თავგანწირულად იბრძვის სხვა ეროვნულ ძალებთან ერთად კომუნისტების წინააღმდეგ და მიაქვს მსხვერპლი ეროვნულ საკუთრებულზე? განა ეს ჩვენი ერის საქმისთვის სასარგებლო არ იქნებოდა? ოკუპანტების მიერ გაყვლილ ათასებში, რომელთაც ავტორი იხსენიებს, დასახელებულია მხოლოდ და მხოლოდ ოთხი სასულიერო პირი, სხვა კი სრულებით არაა. განსაკუთრებით სამწუხაროა ჩვენი აზრით წიგნი პატრიოტების მიერ მოღადად შემოღებული ვაბი-აბრუება იმ ხელშეკრულების მნიშვნელობისა, რომელიც თავისუფალ საქართველოს და საბჭოთა რუსეთს შორის იქნა დადებული 7 მაისს 1920 წელს. ამას წინედ ერთ-ერთ ცნობილ ბერლინულ განცხადებას დააწერინეს გერმანელ თანამშრომელს: «ეს თითქმის სიტყვა-სიტყვით ისეთივე ხელშეკრულება იყო, როგორც ერეკლე მეფესა და ეკატერინე მეორეს შორის დადებულია» (გამოდის თვითვე მიგვიღია ხელახლა რუსეთის პროტექტორატი და რუსეთსაც ბევრი არაფერი დაუშავებია, რომ ჩვენში ხელახლა შემოჭრილა!..). ბ. ნიკურაშვილის წერილსაც ამჩნევია ასეთივე მავნე ტენდენცია, როცა მას მოყავს პროფ. ავალიშვილის სიტყვები: «ფაქტიურად ეს ხელშეკრულება მოსკოვის მთავრობის პოლიტიკური პეგემონიის მიღება და ევროპის ორიენტაციაზე უარის თქმა იყო». მტრის დანაშაულის ასეთი შემჩატება ვერაფერი პატრიოტიზმი...»

მაგრამ წერილში, რაც უნდა იყოს, აღნიშნულია ქართველი ერის ტრადიცია და ის საერთოდ მაინც დადებით მოვლენას წარმოადგენს.

სხვა შრომებიდან აღსანიშნავია ანერბაიჯანელი მეგობრის ჰილალ მუნშის და თურქესტანელის დოქტორ შაქირის წერილები.

მთელი წიგნი წარმოადგენს მდიდარ მასალას და მძიმე საბრალდებულო ოქმს მოსკოვის ტირანიისა და იმპერიალიზმის წინააღმდეგ.

ნ. ი.

წერილი ამერიკიდან

ამაწლის ივნისი შეერთებულ შტატებში პოლიტიკურად მეტად შფოთიანი თვე იყო. ოთხ პოლიტიკურ პარტიას: რესპუბლიკანელებს, დემოკრატებს, სოციალისტებს და კომუნისტებს, ჰქონდათ სხვადასხვა დროს, სხვადასხვა ქალაქებში თავისი კრებები. ამ კრებებზე, რომელნიც ყოველ მეოთხე წაფხულში იმართება, ირჩევენ საპრეზიდენტო კანდიდატს და მის თანაშემწეს, ადგენენ და აცხადებენ პარტიულს პლატფორმას, წარმოსთქვამენ პარტიის ხაზის გამაშუქებელ სიტყვებს და ოფიციალურად პრეზიდენტის საარჩევნო კამპანია იწყება (პრეზიდენტის არჩევა ხდება ნოემბრის პირველ სამუშაბათს).

მარსის მცხოვრებს რომ ყური დაეგდო აქაური ორი უმთავრესი პარტიებისთვის (რესპუბლიკანელების და დემოკრატების), ვერ გაარჩევდა, თუ ისინი ერთ და იმავე ქვეყანაზე ლაპარაკობდნენ. რესპუბლიკანელები ხატავდნენ გასული სამი ნახევარწლის მართველობის მოქმედებას როგორც ქვეყნის დამლუპველს და გამანადგურებელს. პრეზიდენტ რუზველტს აბრალებდნენ «სოციალისტობას», «კომუნისტობას», «დიქტატორობას» და სხ.

დემოკრატები კი პირიქით ამტკიცებდნენ, რომ ქვეყანა იღუპებოდა ჰუვერის და რესპუბლიკანელების მეხებით, მაგრამ ჩვენ ვიხსენით, და თუ ახლა რესპუბლიკანელებს ჩაუვარდა ხელში მართველობა, უთუოდ დაიღუპებოდა... ამ უკანასკნელ დროში კი, როგორც ერთმა მწერალმა სთქვა, მხოლოდ მშობელ დედას თუ შეეძლო გარჩევა, რომელი იყო რომელი.

დღეს ეს განსხვავება პრეზიდენტ რუზველტის ადმინისტრაციის ან უფრო სწორედ რომ ვსთქვათ, «ნაციონალურ რეკონსტრუქციის აქტის» (ნ. რ. ა.) წყალობით არსებობს. ამან გაპყო მთელი ქვეყანა ორად. ამ აქტს თავიდან გამოუჩნდა როგორც მომხრენი ისე მოწინააღმდეგენი არამც რესპუბლიკანელებში, არამედ თვით დემოკრატებშიც. და დღეს დანამდვილებით შეიძლება ითქვას, რომ პრეზიდენტის არჩევა დამოკიდებულია იმაზე, თუ უმეტესობა ხალხისა მომხრეა თუ არა ამ პოლიტიკურ-ეკონომიური მოძღვრების...

მართალია, ეს აქტი, რომელიც მოითხოვდა მიწიშეში ხელფასის დამკვიდრებას და მაქსიმუმი დროს განსაზღვრას და რომელსაც სხვა აქტებიც მოჰყვა და უფრო ღრმა აზრი მიეცა,—ეს აქტი უმადლესმა სასამართლომ ერთი წლის წინედ უკანონოდ გამოაცხადა (იხ. «დამ. საქ.» № 116), მაინც მთავრობამ უკან არ დაიხია; დემოკრატების პარტია ლაშობს, ამ დადგენილებას შეებრძოლოს, კონსტიტუციის მუხლი შესცვალოს, რომ უმადლეს სამსაჯულოს არ შეეძლოს კონგრესის დადგენილების უკანონოდ გამოცხადება...

რესპუბლიკანელების პარტია კი ხედავს ამაში კონსტიტუციის დარღვევას, ქაოსის მოტანას. განსაკუთრებით, ჭირნახულის მოყვანის და საქონლის



გაშენების შეზღუდვაში და ამის მაგივრად სახელმწიფო ფულის გაღებაში; ამიტომ აპირებს, თუ გაიმარჯვა, რუხველტის «სოციალისტური რეფორმები» შესცვალოს, «ფულის გაფლანგვა» შეაჩეროს (ახლა 35 მილიარდი ვალი აქვს) და თავისი ინდივიდუალური გეგმა დაუპირდაპიროს.

კრებებზე ყველა პარტია ცდილობდა თავისი ინდივიდუალობა არ დაეკარგა, მაგრამ მასთან პროგრამაში რამე ახალი შეეტანა, რომ დროის მიხედვით ფართო მასისთვის მისაღები ყოფილიყო.

ამერიკის კრებები ცოტად წააგავენ ევროპიულს. უმთავრესი განსხვავება იმაშია, რომ ამერიკული კრება უფრო კომიკურია ვიდრე ტრადიკული. საერთოდ ამერიკელებს არ უყვართ ტრადედია. ამერიკის აუარებელ სცენებსა და სინემებში ტრადედიას ცოტას ნახავთ და ისიც ბოლოს ყველა თავდება კარგად, თუ ის ინგლისიდან შემოტანილი არ არის, და ხლენი მხიარული ბრუნდება სახლში. ასეა კონფერენციებზედაც. მონაწილეთა უმრავლესობას უნდა გართობა. ეს პატიოსან და სერიოზულ ადამიანთა კრება (თითქმის კონგრესის ყველა წევრი და გუბერნატორები ღებულობენ მონაწილეობას) ხუმრობაზე გადადის და დიდ ცირკს მოვავონებთ. ამ მხრივ განსაკუთრებით თავი ისახელა ამ წელს დემოკრატების კონფერენციამ, რომელიც იყო გამართული ქალაქ ფილადელფიაში.

დემოკრატების დელეგატებს შეადგენენ 1500 კაცი და ქალი, რომელთაც ირჩევს ყოველი შტატი და სამფლობელო პროპორციონალურად მცხოვრებთა რიცხვის მიხედვით. ეს დელეგატები ასახელებენ საპრეზიდენტო და მის თანაშემწის კანდიდატებს (თანაშემწეს უმთავრესი ფუნქცია არის სენატის თავმჯდომარეობა) არა ერთად, არამედ ცალ-ცალკე თითოეული შტატი. ერთი რომელიმე პრივილეგიური შტატი ასახელებს თავის ან საერთოდ მისაღებს კანდიდატს, დანარჩენი შტატები თითო თითოდ მხარს უჭერენ, ან საკუთარს კანდიდატს ასახელებენ.

თითქმის ყოველ შტატის დელეგატებს ყავთ (ხშირად დაქირავებული, თუ თვითონ არ შეუძლიათ) თავისი მუნიკანტები, მომღერლები, მყვირალეები, მსტინავები და სხვანი, ვინც მხიარულად ასრულებენ მანიფესტაციას საპირობების დროს. მაგალითად როცა პრეზიდენტი რუხველტი იქნა საპრეზიდენტო კანდიდატად დასახელებული, კრების მანიფესტაცია გაგრძელდა ერთი საათი და ოთხი წუთი. ყოველი შტატი თავისი დროებითი და პლაკატებით, სხვა და სხვა წარწერებით დაინძრა თავისი ადგილიდან და რამდენიმეჯერ შემოიარა დარბაზი. თითქმის ყოველი შტატის დელეგატის მოქონდა რამე ჰიონახული, რითაც ის შტატი განთქმულია, მაგალითად, სიმინდი—აიოვას, თამბაქო—გეორგიას, ბამბა—ტექსას და სხვა... პროცესიას წინ უდგოდა ლამაზად შეკანშული ვირი მხედარ ქალით. ვირი დემოკრატების ემბლემაა, რესპუბლიკანელების—სპილო. ეს ვირი ყოველ დღე შემოყავდათ მნიშვნელოვან და პათეტიურ მომენტების დროს სხვადასხვა მხედარ-

რით. ვირს უკან მისდევდა ოქროს ფერად გამოწყობილი ახალგაზნა მომღერალ ქალების გუნდი. ექსტაზში შესული მანიფესტანტების ხმაურობა, სიმღერა, წივილი კვილი უმაღლეს წერტილამდე აღწევდა. განსაკუთრებული მხალურობის მზომავი მანქანა («დემონსტრანომეტრი»—სიცხის საზომავის მსგავსია) 100 მდე მივიდა. რესპუბლიკანელების კრებაზე 85-ზე ზევით არ ასულა. ნიუორკის მოძრავი ქუჩის უმაღლესი ხმაურობა 80-მდე ადის, საშვალა 40...

დემოკრატების კონფერენციას ერთი უმნიშვნელო ტრალი-კომიკური მოვლენა ჩაეწვითა. კრების ყოველი დღიური სხდომა ლოცვით იწყება. ლოცვას რიგ-რიგად ამბობენ ყველა რჯულის წარმომადგენლები: პრესბიტერიანი, კათოლიკე, ებრაელი და სხვა. ერთ დღეს, როცა შავკანიან (ნეგრი) მღვდელს მისცეს რიგი და მან ლოცვა დაიწყო, სამხრეთ კარალინის შტატის დელეგატმა დემონსტრაციულად ამოიღო თავისი დელეგატობის ბარათი, იქვე ყვირილით დახია და ყველა თავისი შტატის 15 დელეგატით დარბაზი დატოვა (განსაკუთრებით სამხრეთ ამერიკის მცხოვრებთ სძულთ თავისი ნაყმევი შავკანიანები და მათთან თანასწორობას არ კადრულობენ)...

დემოკრატების კონფერენცია მეხუთე დღეს გათავდა პრეზიდენტად რუხველტის და მის თანაშემწედ გარნერის დასახელებით. პრეზიდენტმა ბოლოს «მისაღები» სიტყვაც წარმოთქვა (ძველი წესით ეს რამოდენიმე კვირის შემდეგ ხდება)...

რესპუბლიკანელების კონფერენცია შესდგა ქალაქ კლივლანდში, თუთხმეტ მილიონიან შენობის დარბაზში, 1.003 დელეგატით. მაყურებელთა რიცხვი ოცი ათასამდე იყო. შესავალი ბილეთის ფასები სვეკულაციამ ისე ასწია, რომ ხშირად ას დოლარს იხდიდენ, ამბობენ, ვილაცამ ათასი დოლარიც მისცა ბილეთშიო.

წესი კრების ერთი და იგივეა. მხოლოდ აქ ნაკლები მასხრობა იყო. რესპუბლიკანელების ემბლემა—სპილო არ იყო გამოყვანილი და განსაკუთრებული მოცეკვავე ქალებიც არ გამოსულან. საპრეზიდენტო კანდიდატად ერთხმად აირჩიეს კანსას შტატის გუბერნატორი ალფრედი ლანდონი. ის 49 წლისაა, პროგრესიული რესპუბლიკანელი, პოლიტიკაში თითქმის უცნობი, მაგრამ სახელი გაითქვა თავისი შტატის ბიუჯეტის მოწესრიგებით, რაც ახლანდელ დროში აქ არა ხშირია. ლანდონის თანაშემწედ ერთხმად იქნა არჩეული ჩიკაგოს გაზეთი «დეილი ნიუს». ის გამომცემელი ფრანკი კნოვისი, სამოცი წლისა, პოლიტიკაში კარგად ცნობილი.

სოციალისტების მხრივ საპრეზიდენტო კანდიდატად ნორმანი თომასი იქნა წამოყენებული, რომლის პოპულიარობა დაზიანდა მას შემდეგ, რაც მან აქტიური როლი ითამაშა ამ წელს პარტიის განხეთქილებაში. ამ პარტიამ უმაღლეს წერტილს მიაღწია 1912 წელში, როცა მისმა მოხუცმა და პოპულიარულმა კანდიდატმა ევგენი დებსმა მილიონამდე ხმა მიიღო.

კომუნისტებმა დაასახელეს ერთი ბროვდერი



და მის თანაშემწედ შავკანიანი (ნეგრი) ჯეიმსი ფორდი. ბროუდერმა განაცხადა, ჩვენ უნდა შევექნათ საკუთარი დიდი მუშათა და ფერმერთა პარტია, მაგრამ ეჭვი შეუვიდა ამაში და დაუმატა: ყოველ შემთხვევაში ვეცადოთ, ლანდონი დავამარცხოთ, თუმცა რუზველტიც არ არის სახეირო, რადგან ის მარჯვნივ იხვეს...

ამ წელს კიდევ ერთი მოვლენა ხდება პოლიტიკურ სფეროში. ვგრძობ წოდებული «მესამე პარტია» გამოდის სცენაზე. როცა ამ «მესამეზე» ლაპარაკობენ, სოციალისტები და კომუნისტები არ ყავთ სახეში (1932 წელს სოციალისტების კანდიდატმა ნორმან თომასმა ნახევარი მილიონი ხმა მიიღო, კომუნისტებისამ—მხოლოდ ასი ათასი).

მესამე პარტიის მოვლენა ამერიკის პოლიტიკაში სპორადულია. ის არაერთხელ გაჩენილა. მაგალითად, 1924 წელსი ლიბერალ-რესპუბლიკანელმა სენატორმა ლაფაეტმა გამაცხადა თავის კანდიდატურა მესამე პარტიის სახელით და ხუთ მილიონზე მეტი ხმა მიიღო. მაგრამ ეს «პარტია» არ იყო, მას შეადგენდნენ უკმაყოფილონი სხვა პარტიებისა და არჩევნების მერე დაიშალნენ.

ახლა ისევ «მესამე პარტია» არსდება ზოგიერთ გავლენიან პიროვნების მეოხებით. ასეთნი არიან: განსვენებულ პიუი ლონგის მიმდევრები—«ეზიარე სიმდიდრეს» მქადაგებელი (იხ. «დამ. საქარ.» 118), ექიმი ტოუნენი, რომელიც ორასი დილარის პენსიას პპირდება თვიურად ყველას. ვისაც სამოცი წელი შეუსრულდა («დამ. საქ.» 122), და მესამე კათოლიკე მღვდელი კონგლინი. ეს უკანასკნელი მეტად პოპულიარულია მდებრივ კათოლიკე მასსაში. მისი მეტი სახელია «რადიოს მღვდელი», რადგან რამდენიმე წელიწადია ხშირად ჰქადაგებს რადიოთი პოლიტიკურ-ეკონომიურ საგანზე. ამბობენ «მილიონობით» ყავს მიმდევრები. ამ «მესამე პარტიის» სპარეზიდენტო კანდიდატად გამოდის მემარცხენე რესპუბლიკანელი სენატორი ვილიამ ლემკე.

საეჭვო არაა, რომ ამ ხუთი პარტიიდან მხოლოდ ორს აქვთ შანსები პრეზიდენტობისა: დემოკრატებს და რესპუბლიკანელებს. ან ისევ რუზველტი ან ლანდონი. რომელი იქნება—ამის თქმა დღეს ნაადრევია. ძალები არ არის ჯერ ჩამოყალიბებული, სააგიტაციო კამპანია არ დამთავრებულა. პარტიულ რესპუბლიკანელებს გარდა ლანდონი მოსწონს უპარტიო ინტელიგენტურ მასას, ბაჟის გადამხდელს, მესაკუთრეს და დიდ იმედებს ამყარებენ—«დასავლეთის კულიჯია». განსვენებული კულიჯის (აღმოსავლეთ შეერთებულ შტატებიდან იყო) ადმინისტრაცია დარჩა ისტორიაში, როგორც სიმბოლო მემკირნეობის, ეკონომიის, წინამდევი რუზველტის—«გამფლანგველის» (35 მილიარდი დოლარის სახელმწიფო ვალიდან 13 მილიარდი რუზველტის საში წლის მართველობას ეკუთვნის).

რუზველტის ძალა უმეტესად მუშა და უმუშევართა მასაშია, ვინც დღეს ფედერატულ კასიდან შემწეობას ღებულობს. რესპუბლიკანელები ამაზე უთითებენ: ეს სისტემა შტატების უფლების უზურ-

პაციას წარმოადგენს და ევროპიულის მსგავსად ვაშინგტონის მთავრობა ხელში იკრებს ძალას, რაც მას დიქტატორობისკენ მიაქანებს. ამერიკის თავისუფლება კი დეცენტრალიზაციაში არის. უმუშევართა რჩენა ცენტრალურ მთავრობის მიერ მისთვის ხმის მიცემას ნიშნავს.

ამბობენ, თუ «მესამე პარტია» მაგრად გამოვიდა, რუზველტს მეტ ზიანს მიაყენებს, ვიდრე ლანდონსაო.

ამასთან, ზოგი ბელადი და მათი მიმდევრები ჩამოშორდნენ დემოკრატებს. მაგ. ძველი დემოკრატი და რუზველტის მეგობარი რამდენიმეჯერ ნიუ-ორკის შტატის გუბერნატორად ნამყოფი ალფრედი სმიტი (იხ. «დამ. საქ.» 121), პრეზიდენტ ვილსონის დროს საგარეო მინისტრად ნამყოფი ბ. კოლბი, გეორგიის გუბერნატორი ტალმაჯი და სხვები.


«მოსკოვის კონსტიტუციის» გამოცხადებამ აქ სულ ცოტა ყურადღება მიიქცია. კომუნისტებს და მათ მომხრეებს სირცხვილი აქამა. ამ აქტმა ურწმუნოთ კიდევ ერთჯერ საჯაროთ დაუმტკიცა, რომ «პირველ სოციალისტურ» ქვეყანაში არავითარი სოციალიზმი არ ყოფილა; არავითარი უფლება და თავისუფლება იქ არ სუფევდა.

არა მომხრენი ფიქრობენ, სანამ დღევანდელი მართველობა არის სათავეში, ეს «კონსტიტუცია» არ განადგვებო. ყველაფერი ეს სრიკაო: ერთი რომ გარეშე ქვეყნებს აჩვენონ თითქოს ცივილიზაციური ქვეყანა ხდებო. მეორედ,—უნდათ შინ «ქვეშემოდომლების» გული მოიგონ, ვინცობაა ომი მოხდეს, მათი წინაპრებივით ზურგიდან არ გვიღალატონო. საეჭვოა, ან ერთი ან მეორე მოატყულო...

«ნიუორკის ტაიმსი» ვაშინგტონიდან ცნობებს იძლევა, რომ ამერიკის მოსკოვში მყოფი და იქ მართველთა მეგობარი ელჩი ვ. ბულლიტი თავის თანამდებობას თავს ანებებს. მიწები არის მისი «იმედების გაცრუება». მან დიდალი დიპლომატები და ტექნიკოსები წაიყვანა მოსკოვში იმის იმედებით, რომ ფართო აღებმიცემა და დიპლომატიური დამოკიდულება გაიმართებო. ეს ყველაფერი ფუჭი გამოდგა. სხვადასხვა უსიამოვნო მოვლენებმა თავი გამოყო: ძველი ვალის მოწესრიგება ჩაიშალა; მკვხე გაფრთხილება მივეციტ, რომ რევოლუციონურ პროპაგანდაზე აქ ხელი აეღოთ და სხვაო. ბევრი ხანია ჩვენი ელჩი არაფერს აკეთებს საბჭოების ქვეყანაში და გასაკეთებელიც არა აქვს რაო. ის მოსკოვს გაუბრბის, ან ევროპიულ ქვეყნებშია და ან შეერთებულ შტატებშია... მისი სამუდამოთ მოსკოვიდან წასვლა ლოლიკურია...»

ნაუთი.

*) როგორც მკითხველმა უკვე უწყის, ბულლიტი პარიზში იქმნა გადმოყვანილი.



კავკასიის დელეგაცია კრაკოვში

13 მაის 1935 წ. მარშალ პილსუდსკის გარდაცვალების მეორე დღეს მომხდარ კავკასიის კოლონიის პასუხისმგებელ პირთა სხდომაზე, რომელსაც თავმჯდომარეობდა ქართველი კოლონიის თავმჯდომარე ბ. კ. იმნაძე, დადგენილ იქნა კავკასიის ერთა უდიდეს მეგობრის მარშალ პილსუდსკის ცხედრის ვერცხლის გვირგვინით შემკობა. ამ მიზნის სისრულეში მოსაყვანად სხდომამ გამოყო სპეციალური კომისია. კომისიამ პირნათლად შეასრულა თავისი მოვალეობა და პოლონეთში მყოფ კავკასიელთა შორის შევრთვილი თანხით მშვენიერი გვირგვინი დაამზადა.

გვირგვინი ჩამოსხმულია წმინდა ვერცხლისაგან და შემდეგ ხელით მხატვრულად შესრულებული. შუაში ჩაჭედოლია ადერბაიჯანის, მთის და საქართველოს ეროვნული დროშები «ემალზე» და თან ახლავს შესაფერისი ტექსტი სამ ენაზე.

მიმდინარე წლის 20 ივნისს კავკასიის დელეგაცია გაემგზავრა კრაკოვში მარშალის საფლავზე აღნიშნული გვირგვინის დასადებად. დელეგაციაში შედიოდნენ: ბ. ბ. 1) კ. იმნაძე, 2) გენ. აღ. ზაქარიაძე, 3) პოლკ. ისრაფილოვი, 4) პოლკ. ხურში, 5) პოლკ. კახუმ ბეი, 6) პოლკ. კ. კიკვიძე, 7) გ. ნაკაშიძე, 8) მაიორი კუმუსი, 9) როტმისტრი დ. შალიკაშვილი, 10) მღვ. გრ. ფერაძე, 11) მუს. ვეჭილი, 12) ბაიტუგანი, და 13) ალი ბეი.

დელეგაციამ შეამკო რა მარშალის კუბო გვირგვინით და აქტივ, გაისმა გენ. აღ. ზაქარიაძის მხედრული ბრძანება: «სმენა», რასაც მოყვა მღვ. გრ. ფერაძის ქართულად მოკლე ლოცვა. ამ ცერემონიას ბლომად დაესწრენ პოლონელები და ადგილობრივი პასუხისმგებელი პირები, რომლებზედაც ამ სცენამ დიდი შთაბეჭდილება მოახდინა.

კრაკოვის და ვარშავის გაზეთებმა მოათავსეს დელეგაციის და გვირგვინის ცალკე სურათები და წარუშმდვარეს თბილი წერილები კავკასიას და მის განაწამებ ბედს.

ამის შემდეგ დელეგაცია გაემგზავრა სოვინეცში მარშალის გორაკის დასათვალიერებლად და მიწის დაყრაში მონაწილეობის მისაღებად. საღამოს დელეგაცია მატარებლით ვარშავაში დაბრუნდა.

ქ რ ი ლ მ ბ ა

ასკრბაიჯანის სახალხო პარტიის «მუსავატის»

მიმდინარე წლის ივლისის უკანასკნელ რიცხვებში შესდგა აზერბაიჯანის სახალხო პარტიის «მუსავატის» უცხოეთში არსებულ ორგანიზაციების წარმომადგენელთა ყრილობა.

ყრილობამ მოისმინა რა პარტიის ლიდერის რასულ ზადეს მოხსენება, სავსებით დაადასტურა პარტიის გენერალური ხაზი, რაიც გამოიხატება აზერბაიჯანის რესპუბლიკის დამოუკიდებლობის აღდგენისათვის შეუთრგებელ ბრძოლაში; კავკასიის კონფედერაციის იდეის დაცვაში და რუსეთის იმ-

პერიალიზმის მიერ დაჩაგრულ ერებთან მჭიდრო კავშირის ქონაში.

ამასთან ერთად ყრილობამ გამოიმუშავა ახალი პარტიული პლატფორმა და კავკასიის კონფედერაციისათვის ბრძოლა გარკვეულ პუნქტად შევიდა პარტიის პოლიტიკურ მოთხოვნილებათა სისტემაში.

ახალი პარტიული პლატფორმა აღიარებს კერძო საკუთრების პრინციპს და ვაჭრობის თავისუფლებას; ამავე დროს იგი ცნობს სახელმწიფოს უფლებას ჩაერიოს სხვადასხვა ჯგუფთა ინტერესების ბრძოლაში ეკონომიურ ურთიერთობის მოწესრიგების მიზნით. კლასთა ბრძოლას პარტია უარყოფს, სამაგიეროდ პარტია აღიარებს ნაციონალურ ერთობის და საზოგადოებრივ სოლიდარობის პრინციპს.

სასოფლო მეურნეობაში პარტია მოითხოვს გლეხებისათვის უფასოდ მიწის დარიცხვას და წვრილი წარმოების დაცვას; სამრეწველო მუშების და ინტერესებს მრეწველობის მოგებაში და მათ ეკონომურ-ტექნიკურ მართვაში. შრომა დაცულია კანონით, მზგავსად ევროპის დაწინაურებულ ქვეყნებისა.

ტაქტიკურ საკითხთა შორის პარტია აყენებს: რუსულ ბოლშევიკურ თალითობის მხილებას, აზერბაიჯანის საკითხის პოპულიარიზაციას მსოფლიოში, კავკასიის ხალხების ინტერესებით ხელმძღვანელობას და სხვ.

ყრილობამ აირჩია პარტიული ხელმძღვანელობა «მდივან»-ის სახელწოდებით.


დაბოლოს ყრილობამ მოწოდებით მიმართა აზერბაიჯანის ხალხს.

სოლომონ (სიკო) ალიმზარაშვილი

ამა წლის აგვისტოს 19-ს, ქ. მონპელიეს ლანენკის სახელობის კლინიკაში, გარდაიცვალა ქართველი პოლიტიკური ლტოლვილი, 32 წლისა, მცხოვრები სოფ. ახალ-ქალაქის (გორის მაზრა) სიკო ალიმზარაშვილი.

სიცოცხლით აღსავსე სიკოს, სრულიად მოულოდნელად, ფილტვების ჭლექის ნიშნები აღმოაჩნდა. ავადმყოფობამ, თითქმის, ხუთი თვე გასტანა და მთელი ამ ხნის განმავლობაში უბედური სიკო უშედეგოდ ებრძოდა სიკვდილს. მიუხედავად, მიღებული ზომებისა, საშინელ სენმა თავისი გაიტანა და უცხოეთის ცის ქვეშ, კიდევ ერთი მორიგი საფლავი გაითხარა.

1921 წ. ჯერ კიდევ 17 წლისა არც კი იყო სიკო, როდესაც რუსეთმა საქართველო დაიპყრო; საქუთარ თვალით იხილა მან ვერაგი მტერი, რომელიც საყვარელ სამშობლოს პატიოსან ღირსებას უგინებდა და მიწა-წყალს კი უტიანებდა. სიკოს უაბუკ ბუნებას მტრის წინამდევ ბრძოლა სწყუროდა, ის გლეხია, უსწავლელი, მაგრამ შეგნება მამულის დაცვისა, ისეთივე აქვს, როგორც განათლებულ მამულივილი და 1924 წელს, როდესაც ქართლ-კახეთში ეროვნული რაზმები ამოქმედდნენ, სიკო არ აყოვნებს, მან დასტოვა თავისი კერა, მოხუცი მშობლები, აი-



სხა იარაღი და პატიოსან მებრძოლთ შეუერთდა; მას სამშობლო უყვარდა და განსაცდელში მყოფი ქვეყნის ბედი მანაც გაიზიარა; შინაური და გარეული მტერი მიზანში ამოიღო, მაგრამ აჯანყება დამარცხდა. საქართველოს ეროვნული სხეული ერთხელ კიდევ დაისხრა, მტერი ლხენას მიეცა, ქვეყანა კი გლოვით აივსო; ეს ის დროა, როდესაც სიკო, სხვებთან ერთად, იძულებული ხდება სამშობლოს დროებით მაინც დაშორდეს, ვიდრე მოვალეობა კიდევ მოისმობდეს, რომ ვით ერთგული ჯარისკაცი სამშობლოს ხსნას შეეწიროს.

დიდი ამბების მოლოდინში მაგარი სხეულიც დაიქანცა. ათასი გაპირვება და უბედურება, მიზეზი გახდა მისი დაავადების. მაგრამ ავადმყოფ სხეულმა ვერა დააკლო რა მის კეთილშობილურ ქართულ სულს, აზრს და შეგნებას; მისი უკანასკნელი დღეები სავესე იყო, როგორც მუდამ, მშობლიური რწმენით. მას არ უნდოდა სიკვდილი ისე, რომ მასთან უკანასკნელ წუთებშიაც არ ყოფილიყო ქართველი ადამიანი. ეს სურვილი შეუსრულდა კიდევ: «ჩვენებური წყარო და ნიაფი... ქართული მიწა... სამშობლო საყვარელი...» აი ეს სიტყვები და ისმოდა სიცხის ალში გახვეულ სიკოსაგან. მას სურდა ერთხელ კიდევ დასწავებოდა ჩვენებურ წყაროს, წყაროს სიცოცხლისა და თავისუფლებისას, მაგრამ უღმობველ სენმა სიცოცხლეს მაინც გამოასალმა და ნატვრა ქართული მიწისა საფრანგეთში გათხრილ საფლავში ჩაიტანა.

სიკო დაკრძალულ იქმნა 21-ს ქ. მონპელიეშივე წმ. ლაზარეს სასაფლაოზე. ღრმად დამწუხრებულ ნაცნობ-ამხანაგებმა, ჯერ კიდევ ახალგაზდა სიკო, ღირსეულ პატივისცემით მიაბარეს ცივ სამარეს.

მადლიერი სამშობლო წამებულ შვილთა შორის სიკოსაც მოიხსენიებს. დ. ხ.

ამ ნომრისთვის დამზადებული წერილი ხ. შავიშვილისა «საქართველო ორ კონგრესზე» უადგილობრისა გამო გადაიდვა შემდეგისთვის.

ქართული საგეგმიერო წრე პარიზში

ეს წრე დაარსდა 1934 წლის აპრილში. მისი მიზანი არის სხვადასხვა საკითხების ობიექტური თვალსაზრისით განხილვა; საამისოთ იგი ცდილობს—მომსხენებელთა წახალისებით და აუდიტორიის შერჩევით—შექმნას ის სულიერი ატმოსფერო, რომელიც ყოველი კულტურული მუშაობის აუცილებელი პირობაა; წრე სრულიად აპოლიტიკურია და იგი ფართედ უღებს კარებს ყველას, ვისაც კი შეუძლია ვიწრო ჯგუფურ მიკერძოებას თავი დააღწიოს და საკითხი წმინდა მეცნიერულ თვალსაზრისით განიხილოს;

წრეში წაკითხულ იქმნა მისი დაარსების პირველ დღიდან დღევანდლამდე შემდეგი მოხსენებანი:

1) ა. შათირიშვილი: მარქსისტული თეორია და მისი შეფასება; სამშობლოს ნატვრა (ფსიქოლოგურ-

ექსპერიმენტული ცდა); ენის საზოგადოებრივი მნიშვნელობა; ერი და კლასი ანთროპო-სოციოლოგიის თვალსაზრისით; პიროვნების განვითარების სტადიები. 2) შ. კალანდაძე: თვითმკვლელობის შესახებ. 3) ი. ხოჭოლავა: ერი და რასა. 4) რ. გაბაშვილი: ინგლისის აღმოსავლური პოლიტიკა. 5) ი. ხანანაშვილი: ქართველი ისრაელები ეთნოლოგიური და ანთროპოლოგიური თვალსაზრისით. 6) ა. მანველიშვილი: საქართველოს დიპლომატიური ურთიერთობის ისტორიიდან. 7) გ. ყურული და ს. ფირცხალავა: მოგონებანი. 8) ის. მანწკავა: დღევანდელი ქართული ლიტერატურა.

მომხსენებელთა ვარდაწრის მუშაობაში მიიღეს მონაწილეობა (თავმჯდომარეობის გაწევით თუ კამათში ჩარევით) ბ. ბ. ა. ზურაბიშვილმა, შ. ამირეჯიბმა, ა. კობახიძემ, ი. გობეჩიამ, შ. კალანდაძემ, გ. ყიფიანმა, კ. გვარჯალაძემ, ვ. ინჭკირველმა, გ. მოციქოძემ, ა. ასათიანმა, რ. არსენიძემ, დ. ვაჩნაძემ, ე. პატარიძემ, ნ. ურუშაძემ, ფ. შარაძემ, გ. ლომაძემ, გ. ნადარეიშვილმა, გ. ჯაყელმა, ხ. შავიშვილმა, პროფ. ხ. ავალიშვილმა, ი. ნუცუბიძემ და სხვებმა.

ქართველები საზრანგეთში

ამა წლის 11 ოქტომბერს, სამ საათზე:

5 რამუ ლას კაზ. სოციალური მუზეუმის დარბაზში, შესდგება საფრ. მყოფ ქართვ. ასოციაც. საზ. კრება ასოციაციის გამგეობის ასარჩევად.

შავილი რედაქციის მიმართ

ბატონო რედაქტორო!

უმორჩილესად გთხოვთ დაგვისტამბოთ შემდეგი წერილი:

შევარდენის კარვედის გუნდი ამით აუწყებს პატივცემულ საზოგადოებას, რომ მის მიერ გამართულმა ექვსმა საღამომ დასტოვა წმინდა შემოსავალი 2.316 ფრ. 20 სანტ.—კარვედის სექციის სურვილი იყო შეეძინა კარავი და საზაფხულო დასვენებისათვის გაეგზავნა შევარდენის აქტიური წევრები. მაგრამ, ვინაიდან წელს ეს თანხა საკმარისი არ აღმოჩნდა ამის განსახორციელებლად, ამიტომ გამგეობამ მიზანშეწონილად მიიჩნია მომავალ წამთარში მოწყობილ საღამოების შემოსავალის დამატებით, აღასრულოს მის მიერ დასახული მიზანი შემდეგი ზაფხულისათვის.

კარვედის გუნდის გამგეობა დიდ მადლობას უცხადებს ქართველ საზოგადოებას, რომელიც ესწრებოდა მის მიერ გამოთვლულ საღამოებს, და მეტადვე იმ ოჯახებს და კერძო პირებს, რომლებმაც გაიღეს შრომა და ნივთიერი დახმარება. — ოქტომბრიდან დაიწყება საღამოების გამართვა და იმედი გვაქვს, რომ ქართველი საზოგადოება კვლავ გულუხვობას გამოიჩენს ამ კეთილი საქმის განსახორციელებლად.

შევარდენის კარვედის გუნდის

მდივანი მ. ნიკოლაძისა.

მოლარე ლ. ნოზაძისა.